





宋文文山先生全集

宋廬陵

長樂郡 振錄西 諸

天祥文

八



明

後學鍾

越異度

父

兄

鍾日平征之父

父

鍾天澤九瞻父

父

弟鍾

超上士父

較

對策

御試策一道

有題

蓋聞道之大原出於天。超乎無極太極之妙。而實不離乎日用事物之常。根乎陰陽五行之賾。而實不外乎仁



義禮智剛柔善惡之際。天以澄著。地以靖謐。人極以昭明。何莫由斯道也。聖聖相傳。同此一道。由修身而治人。由致知而齊家。治國平天下。本之精神心術。達之禮樂刑政。其體甚微。其用則廣。歷千萬世而不可易。然功化有淺深。證效有遲速者。何歟。朕以寡昧臨政。願治于茲。歷年志愈勤。道愈遠。宵乎其未朕也。朕心疑焉。子大夫明先聖之術。咸造在廷。必有切至之論。朕將虛已以聽。三墳而上。大道難名。五典以來。常道始著。日月星辰。順乎上。鳥獸草木。若於下。九功惟敘。四夷來王。日工熙哉。庶事康哉。非聖神功化之驗歟。然人心道心。寂寥片語。

其危微精一之妙。不可以言。既歟。誓何爲而畔。會何爲而疑。俗何以不若結繩。治何以不若畫像。以政凝民。以禮凝士。以天保采薇。治內外。憂勤危懼。僅克有濟。何帝王勞逸之殊歟。抑隨時損抑。道不同歟。及夫六典建官。蓋爲民極。則不過曰治。曰教。曰禮。曰政。曰刑。曰事而已。豈道之外。又有法歟。自時厥後。以理欲之消長。驗世道汗隆陰濁之日常多。陽明之日常少。刑名雜霸。佛老異端。無一毫幾乎道。駁乎無以議爲。然務德化者。不能無上郡雁門之警。施仁義者。不能無末年輪臺之悔。甚而無積仁累德之素。紀綱制度。爲足維持。憑藉者。又何歟。



朕上嘉下樂，夙興夜寐，靡遑康寧。道久而未洽，化久而未成。天變游臻，民生寡遂。人才乏而士習浮，國計殫而兵力弱。符澤未清，邊備孔棘。豈道不足以御世，歟抑化裁推行有未至，歟。夫不息則久久，則徵。今胡爲而未徵，歟。變則通通，則久。今其可以屢更歟。子大夫熟之，復之，勿激勿泛，以副朕詳延之意。寶祐四年五月八日。

臣對恭惟皇帝陛下處常之久，當泰之交，以二帝三王之道會諸心，將三紀于此矣。臣等鼓舞於鳶飛魚躍之天，皆道體流行中之一物，不自意得旅進于陛下之庭，而陛下且嘉之論道。道之不行也久矣，陛下之言及此。

天地神人之福也。然臣所未解者，今日已當道久化成之時，道洽政治之候，而方歉焉。有志勤道遠之疑，豈望道而未之見耶。臣請泝太極動靜之根，推聖神功化之驗，就以聖問中不息一語爲陛下勉。幸陛下試垂聽焉。臣聞天地與道同一不息，聖人之心與天地同一不息。上下四方之宇，往來古今之宙，其間百千萬變之消息盈虛，百千萬事之轉移闔闢，何莫非道。所謂道者，一不息而已矣。道之隱於渾淪，藏於未瑀未琢之天，當是時無極太極之體也。自太極分而陰陽，則陰陽不息。道亦不息。陰陽散而五行，則五行不息。道亦不息。自五行又

道只是一  
個不息便  
知所下手



時理宗政  
治浸弱故  
以不息規  
之旨極痛  
快

散而為人心之仁義禮智剛柔善惡則乾道成男坤道  
成女穹壤間生生化化之不息而道亦與之相為不息  
然則道一不息天地亦一不息天地之不息固道之不  
息者為之聖人出而為天地立心為生民立命為往聖  
繼絕學為萬世開太平亦不過以一不息之心克之克  
之而修身治人此一不息也克之而致知以至齊家治  
國平天下此一不息也克之而自精神心術以至於禮  
樂刑政亦此一不息也自有三墳五典以來以至於太  
平六典之世帝之所以帝王之所以王皆自其一念之  
不息者始秦漢以降而道始離非道之離也知道者之

歷歷搜指  
病根

鮮也雖然其間英君誼辟固有號為稍稍知道矣而又  
沮於行道之不力知務德化矣而不能不尼之以黃老  
知施仁義矣而不能不遏之以多欲知四年行仁矣而  
不能不畫之以近效上下二三十年間牽補過時架漏  
度日毋惟夫駁乎無以議為也獨惟我朝式克至于今  
日休陛下傳列聖之心以會藝祖之心會藝祖之心以  
參帝王之心參天地之心三十三年間臣知陛下不貳  
以二不參以三茫乎天運宵爾神化此心之天混兮闢  
兮其無窮也然臨御浸久持循浸熟而筭計見效猶未  
有以大快聖心者上而天變不能以盡無下而民生不



扶其隱而  
彌之忠懷  
甚苦

能以盡遂。人才士習之未甚純。國計兵力之未甚充。以至盜賊兵戈之警。所以貽宵旰之憂者。尤所不免。然則行道者。殆無驗也。邪臣則以爲道非無驗之物也。道之功化甚深也。而不可以爲迂。道之證效甚遲也。而不可以爲速。維天之命。於穆不已。天地之所以爲天地也。之德之純。純亦不已。聖人之所以爲聖人也。爲治。顧力行何如耳。焉有行道於歲月之暫。而遽責其驗之爲迂。且遠邪臣之所望於陛下者。法天地之不息而已。姑以近事言。則責躬之言方發。而陰雨旋霽。是天變未嘗不以道而弭也。賑饑之典方舉。而都民歡呼。是民生未嘗不

必欲其君  
法天法祖  
故又翻入  
一層

擴充二字  
又不息真  
際是實理  
實事非欲  
動套語

以道而安也。論辯建明之詔一頒。而人才士習稍稍渾厚。招填條具之旨一下。而國計兵力稍稍充實。安吉慶元之小獲。維揚瀘水之雋功。無非憂勤於道之明驗也。然以道之極功論之。則此淺效耳。速效耳。指淺效速效而遽以爲道之極功。則漢唐諸君之用心是也。陛下行帝而帝。行王而王。而肯襲漢唐事邪。此臣所以贊陛下之不息也。陛下儻自其不息者而充之。則與陰陽同其化。與五行同其運。與乾坤生生化之理同。其無窮。雖充而爲三紀之風移俗易可也。雖充而爲四十年圖空刑措可也。雖充而爲百年德洽於天下可也。雖充而爲



卜世過曆億萬年。敬天之休可也。豈止如聖問八者之事。可徐就理而已哉。臣謹昧死上愚對。臣伏讀聖策曰。蓋聞道之大原出於天。超乎無極太極之妙。而實不離乎日用事物之常。根乎陰陽五行之賾。而實不外仁義禮智剛柔善惡之際。天以澄著。地以靖謐。人極以昭明。何莫由斯道也。聖聖相傳。同此一道。由修身而治人。由致知而齊家。治國平天下。本之於精神心術。達之於禮樂刑政。其體甚微。其用則廣。歷千萬世而不可易。然功化有淺深。證效有遲速。何歟。朕以寡昧。臨政願治。于茲歷年。志愈勤。道愈遠。宵乎其未朕也。朕心疑焉。子大夫

打破疑字  
是引君妙  
用

明先王之術。咸造在庭。必有切至之論。朕將虛已以聽。臣有以見陛下。邇道之本原。求道之功效。且疑而質之。臣等也。臣聞聖人之心。天地之心也。天地之道。聖人之道也。分而言之。則道自道。天地自天地。聖人自聖人。合而言之。則道一不息也。天地一不息也。聖人亦一不息也。臣請邇其本原言之。茫茫堪輿。塊土無垠。渾渾元氣。變化無端。人心仁義禮智之性。未賦也。人心剛柔善惡之氣。未稟也。當是時。未有人心。先有五行。未有五行。先有陰陽。未有陰陽。先有無極太極。未有無極太極。則太虛無形。冲漠無朕。而先有此道。未有物之先。而道具焉。

讀此知天  
法道法



自然周程  
張朱諸理  
學旨和盤  
托出

道之體也。既有物之後，而道行焉。道之用也。其體則微。其用甚廣。即人心而道在人心。即五行而道在五行。即陰陽而道在陰陽。即無極太極而道在無極太極。貫顯微兼費隱。包小大。通物我。道何以若此哉。道之在天下。猶水之在地中。地中無往而非水。天下無往而非道。水一不息之流也。道一不息之用也。天以澄著。則日月星辰循其經。地以靖謐。則山川草木順其常。人極以昭明。則君臣父子安其倫。流行古今。綱紀造化。何莫由斯道也。一日而道息焉。雖三才不能以自立。道之不息功用固如此。夫聖人體天地之不息者也。天地以此道而不

乃知大學  
明明德正  
是。不息根  
源

息。聖人亦以此道而不息。聖人立不息之體。則歛於修身。推不息之用。則散於治人。立不息之體。則寓於致知。以下之工夫。推不息之用。則顯於齊家治國平天下之效驗。立不息之體。則本之精神心術之微。推不息之用。則達之禮樂刑政之著。聖人之所以為聖人者。猶天地之所以為天地也。道之在天地間者。常久而不息。聖人之於道。其可以頃刻息邪。言不息之理者。莫如大易。莫如中庸。大易之道。至於乾道變化。各正性命。保合太和。而聖人之論法天。乃歸之自強不息。中庸之道。至於溥博淵泉。上天之載。無聲無臭。而聖人之論配天地。乃歸



之不息則久。豈非乾之所以剛，從中正純粹精也者。一  
不息之道耳。是以法天者亦以一不息，中庸之所以高  
明博厚悠久無疆者，一不息之道耳。是以配天地者亦  
以一不息，以不息之心行不息之道。聖人卽不息之天  
地也。陛下臨政願治，于茲歷年，前此不息之歲月猶日  
之自朝而午，今此不息之歲月猶日之至午而中。此正  
勉強行道大有功之日也。陛下勿謂數十年間我之所  
以擔當宇宙，把握天地，未嘗不以此道。至于今日而道  
之驗如此，其迂且遠矣。以臣觀之道，猶百里之途也。今  
日則適六七十之候也。進於道者不可以中道而廢游

急心侃侃

於途者不可以中途而畫。孜孜矻矻而不自已，馬則適  
六七十里者固所以爲至，百里之階也。不然自止於六  
七十里之間，則百里雖近，馬能以一武到哉。道無淺功  
化行道者何可以深，爲迂道無速證效。行道者何可以  
遲，爲遠惟不息則能極道之功。化惟不息則能極道之  
證效。氣機動盪於三極之間，神采灌注於萬有之表。要  
自陛下此一心始。臣不暇遠舉，請以仁宗皇帝事爲陛  
下陳之。仁祖一不息之天地也。康定之詔曰：祇勤抑畏。  
慶曆之詔曰：不敢荒寧。皇祐之詔曰：緬念爲君之難，深  
惟履位之重。慶曆不息之心，卽康定不息之心也。皇祐

只是要去  
窮心之疑



不息之心。卽慶曆不息之心也。當時仁祖以道德感天。心以福祿勝人力。國家綏靜。邊鄙寧謐。若可以已矣。而猶未也。至和元年。仁祖之三十二年也。方且露立仰天。以畏天變。碎通天犀。以救民生。處賈黯吏銓之職。擢公弼殿柱之名。以厚人材。以昌士習。納景初減用之言。聽范鎮新兵之諫。以裕國計。以強兵力。以至講周禮。薄征。緩刑。而拳拳以盜賊爲憂。選將帥。明紀律。而汲汲以西戎北虜爲慮。仁祖之心。至此而不息。則與天地同其悠久矣。陛下之心。仁祖之心也。范祖禹有言。欲法堯舜。惟法仁祖。臣亦曰。欲法帝王。惟法仁祖。法仁祖。則可至天。

帝王心法  
相傳總是  
不息

德願加聖心焉。臣伏讀聖策曰。三墳以上云云。豈道之外。又有法歟。臣有以見陛下慕帝王之功。化證效。而亦意其各有淺深遲速也。臣聞帝王行道之心。一不息而已矣。堯之兢兢。舜之業業。禹之孜孜。湯之慄慄。文王之不已。武王之無貳。成王之無逸。皆是物也。三墳遠矣。五典猶有可論者。臣嘗以五典所載之事。推之。當是時。日月星辰之順。以道而順也。鳥獸草木之若。以道而若也。九功惟敘。淑道而敘也。四夷來王。以道而來也。百工以道而熙。庶事以道而康。光天之下。至於海隅蒼生。蓋無一而不拜帝道之賜矣。垂衣拱手。以自逸于土階巖



敢字校不  
享更加嚴  
切

危微精一  
比執中進  
層

愈說得大  
愈著得緊  
此先生致  
君堯舜手  
取處

廊之上。夫誰曰不可而堯舜不然也。方且考績之法重於三歲無歲而敢息也。授曆之命嚴於四時無月而敢息也。凜凜乎一日二日之戒無日而敢息也。此猶可也。授受之際而堯之命舜乃曰允執厥中。夫謂之執者戰兢保持而不敢少放之謂也。味斯語也則堯之不息可見也。河圖出矣。洛書見矣。執中之說未聞也。而堯獨言之。堯之言贅矣。而舜之命禹乃復益之以人心惟危道心惟微。惟精惟一之。三言。夫致察于危微精一之間則其戰兢保持之念又有甚於堯者。舜之心其不息又何如哉。是以堯之道化不惟驗於七十年在位之日。舜之

道化不惟驗於五十年視阜之時。讀萬世永賴之語則唐虞而下數千百年間天得以為天地得以為地人得以為人者皆堯舜之賜也。然則功化抑何其深。證效抑何其遲。歟。降是而王非固勞於帝者也。太樸日散風氣日開人心之機械日益巧。世變之乘除不息而聖人之所以綱維世變者亦與之相為不息焉。俗非結繩之淳也。治非畫象之古也。師不得不誓。侯不得不會。民不得不凝之以政。士不得不凝之以禮。內外異治不得以采薇天保之治。治之以至六典建官。其所以曰治曰政曰禮曰教曰刑曰事者亦無非扶世道而不使之窮耳。



求帝王之道必求帝

以勢而論之。則夏之治不如唐虞。商之治又不如夏周之治。又不如商。帝之所以帝者。何其逸。王之所以王者。何其勞。慄慄危懼。不如非心。黃屋者之為適也。始於憂勤。不如恭已南面者之為安也。然以心而觀。則舜之業。即堯之兢兢。禹之孜孜。即舜之業業。湯之慄慄。即禹之孜孜。文王之不已。武王之無貳。成王之無逸。何莫非兢兢業業。孜孜慄慄之推也。道之散於宇宙間者。無一日息。帝王之所以行道者。亦無一日息。帝王之心。天地之心也。尚可以帝者之為逸。而王者之為勞耶。臣願陛下求帝王之道。必求帝王之心。則今日之功化。證效。或

至之心二  
語是引君  
要訣  
總之窺理  
宗之微已  
有息機故  
苦心委曲  
以窮不息  
之源

可與帝王一視矣。臣伏讀聖策曰。自時厥後云云。亦足以維持憑藉者何歟。臣有以見陛下陋漢唐之功化。證效。而且為漢唐世道發一慨也。臣聞不息則天。息則人。不息則理。息則欲。不息則陽明。息則陰濁。漢唐諸君。天資敏。地位高。使稍有進道之心。則六五帝。四三王。亦未有難能者。奈何天不足以制人。而天反為人所制。理不足以御欲。而理反為欲所御。陽明不足以勝陰濁。而陽明反為陰濁所勝。是以勇於進道者少。沮於求道者多。漢唐之所以不唐虞三代也。歟。雖然是為不知道者言也。其間亦有號為知道者矣。漢之文帝武帝。唐之太宗



古來君道  
治亂實係  
於此

亦不可謂非知道者。然而亦有議焉。先儒嘗論漢唐諸君以公私義利分數多少為治亂。三君之心往往不純乎天。不純乎人。而出入於天人之間。不純乎理。不純乎欲。而出入乎理欲之間。不純乎陽明。不純乎陰濁。而出入乎陽明陰濁之間。是以專務德化。雖足以陶後元。秦和之風。然而尼之。以黃老。則雁門上郡之警。不能無外施仁義。雖足以致建元富庶之盛。然而過之。以多欲。則輪臺末年之悔。不能免。四年行仁。雖足以開貞觀升平之治。然而畫之。以近效。則紀綱制度。曾不足為再世之憑藉。蓋有一分之道。心者固足以就一分之事。功有一

分之人心者。亦足以召一分之事。變世道汗隆之分數。亦係於理欲消長之分數而已。然臣嘗思之。漢唐以來為道之累者。其大有二。一曰雜伯。二曰異端。時君世主有志於求道者。不陷於此。則陷於彼。姑就三君而言。則文帝之心。異端累之也。武帝太宗之心。雜伯累之也。武帝無得於道。憲章六經。統一聖真。不足以勝其神仙土木之私。干戈刑罰之慘。其心也。荒太宗全不知道。閨門之耻。將相之誇。末年遼東一行。終不能以克其血氣之暴。其心也。驕雜伯一念。憧憧往來。是固不足以語常久不息之事者。若文帝稍有帝王之天資。稍有帝王之地。

武帝無得于道太宗全不知道一病于荒一病于驕千古定論乃知太宗武帝并不可以語雜伯文帝稍有其資而不入于



道惜哉

賢君明主  
求一幾乎  
道若斯之  
難

步一以君子長者之道待天下而晁錯輩刑名之說未嘗一動其心是不累於雜伯矣使其以二三十年恭儉之心而移之以求道則後元氣象且將駸駸乎商周進進乎唐虞奈何帝之純心又間於黃老之清淨是以文帝僅得為漢唐之令主而不得一儕於帝王嗚呼武帝太宗累於雜伯君子固不敢以帝王事望之文帝不為雜伯所累而不能不累於異端是則重可惜已臣願陛下監漢唐之跡必監漢唐之心則今日之功化證效將超漢唐數等矣臣伏讀聖策曰朕上嘉下樂云云抑化裁推行有未至歟臣有以見陛下念今日八者之務而

建本圖大  
之言

甚有望乎為道之驗也臣聞天變之來民怨招之也人才之乏士習蠱之也兵力之弱國計屈之也虜寇之警盜賊因之也夫陛下以上嘉下樂之勤夙興夜寐之勞悵歲月之逾邁亦欲以少見吾道之驗耳俯視一世未能差強人意八者之弊臣知陛下為此不滿也陛下分而以八事問臣合而以四事對請得以熟數之於前何謂天變之來民怨招之也天視自我民視天聽自我民聽天明畏自我民明威人心之休戚天心所因以為喜怒者也熙寧間大旱是時河陝流民入京師監門鄭俠畫流民圖以獻且曰陛下南征北伐皆以勝捷之圖來



哀哀赤子 君殫竭其 財力雖窘 迫而可支 吏苛索其 命脉實崩 隕乎難再

慷慨而談 痛陳特罪 不避斧鉞 不畏謗怨 純臣苦心

君道不息 只在安民

上料無一人以父母妻子遷移困頓。皇皇不給之狀為圖以進者。覽臣之圖行臣之言。十日不雨。乞正欺君之罪。上為之罷新法十八事。京師大雨八日。天人之交。間不容髮。載在經史。此類甚多。陛下以為今之民生何如。邪。今之民生困矣。自瓊林大盈積於私貯。而民困自建。章通天頻於營繕。而民困自獻助。疊見於豪家巨室。而民困自和糴。不聞於閭閻下戶。而民困自所至。貪官暴吏視吾民如家雞。豕惟所咀啖。而民困嗚呼。東南民力竭矣。書曰：怨豈在明，不見是圖。今尚可謂之不見乎。書曰：怨不在大，亦不在小。今尚可謂之小乎。生斯世為

○暴○吏○畜○民○猶○獸○之○不○若○○斬○國○家○命○脉○實○係○於○此

斯民仰事俯育。亦欲各遂其父母妻子之樂。而操斧斤

○責○者○對○此○無○愧○方○是○好○官 淬鋒鏑。日夜思所以斬伐其命脉者。滔滔皆是。然則臘

雪。靳瑞。蟄雷。愆期。月犯於木。星殞為石。以至土雨地震。

之變。無恠夫。屢書不一書也。臣願陛下持不息之心。急

求所以為安民之道。則民生既和。天變或於是而弭矣。

何謂人才之乏。士習蠱之也。臣聞窮之所養。達之所施。

幼之所學。壯之所行。今日之修於家。他日之行於天子

之庭者也。國初諸老。嘗以厚士習為先務。寧收落韻之

李廸。不取鑿說之賈邊。寧收直言之蘇轍。不取險恠之

劉幾。建學校。則必欲崇經術。復鄉舉。則必欲參行藝。其



人才抑鬱

不伸故士

習澆漓競

起所以主

之衡者不

可任匪人

士習之壞

原係于上

人

後國子監取湖學法。建經學治道邊防水利等齋。使學者因其名以求其實。當時如程頤徐積呂希哲皆出其。中。嗚呼。此元祐人物之所從出也。士習厚薄最關人才。從古以來其語如此。陛下以為今之士習何如邪。今之士大夫之家有子而教之方其幼也。則授其句讀。擇其不戾於時好。不震於有司者。俾熟復焉。及其長也。細書為工。累牘為富。持試於鄉校者。以是較藝於科舉者。以是取青紫而得車馬也。以是父兄之所教。詔師友之所講。明利而已矣。其能卓然自拔於流俗者。幾何人哉。心術既壞於未仕之前。則氣節可想於既仕之後。以之領

士氣喪極  
可嘆可笑

士習壞則  
士心亦喪

人才關於  
士習士習

之壞半由  
憤當事者

之卑汚痛  
衡文者之

昏潰嗟哉

郡邑如之。何責其為卓茂黃霸。以之鎮一路。如之。何責其為蘓章何武。以之曳朝紳。如之。何責其為汲黯望之。奔競於勢要之路者。無恠也。趨附於權貴之門者。無恠也。牛維馬繫狗苟蠅營。患得患失。無所不至者。無恠也。悠悠風塵靡靡媮俗。清芬消歇濁滓橫流。惟皇降衷秉彝之懿。萌蘖於牛羊斧斤相尋之衝者。其有幾哉。厚今之人。才臣以為變今之士。習而後可也。臣願陛下持不息之心。急求所以為淑士之道。則士風一淳。人才或於是而可得矣。何謂兵力之弱。國計屈之也。謹按國史治平間。遣使募京畿淮南兵。河馬光言邊臣之請兵無窮。



貧弱互根  
萬古通病

國家虛實  
利弊形勢

要害了了  
可見先生

未任事便  
以天下為

已任  
士庶變

朝廷之募兵無已。倉庫之粟帛有限。百姓之膏血有涯。願罷招禁軍。訓練舊有之兵。自可備禦。臣聞古今天下。能免於弱者。必不能免於貧。能免於貧者。必不能免於弱。一利之興。一害之伏。未有交受其害者。今之兵財。則交受其害矣。自東海城築。而調淮兵以防海。則兩淮之兵不足。自襄樊復歸。而併荆兵以城襄。則荆湖之兵不足。自腥氣染於漢水。冤血濺於寶峯。而正軍忠義空於成。徙者過半。則川蜀之兵又不足。江淮之兵又擁而入蜀。又抽而資荆。則下流之兵愈不足矣。荆湖之兵又分而策應。分而鎮撫。則上流之兵愈不足矣。夫國之所恃

貧弱兩見  
國何以存

以自衛者兵也。而今之兵不足如此。國安得而不弱哉。扶其弱而歸之強。則招兵之策。今日直有所不得已者。然召募方新。調度轉急。問之大農。大農無財。問之版曹。版曹無財。問之餉司。餉司無財。自歲幣銀絹外。未聞有畫一策為軍食計者。是則弱矣。而又未免於貧也。陛下自肝膈近。又創一安邊太平庫。專一供軍。此藝祖積縑帛以易賊首之心也。仁宗皇帝出錢帛以助兵革之心也。轉易之間。風采立異。前日之弱者。可強矣。然飛芻輓粟。給餉餽糧。費於兵者。幾何。而琳宮梵宇。照耀湖山。土木之費。則漏卮也。列竈雲屯。樵蘇後爨。費於兵者。幾何。

侈靡無度



國安得不貧且弱

節財便是理財國足即是兵強知者絕少

奸邪肆志

真正斥離洞庭之寇甚於夷虜

一賢臣抵十萬師人才其可忽乎

而霓裳羽衣靡金飾翠宮庭之費則尾閭也。生熟口券月給衣糧費於兵者幾何。而量珠輦玉倖寵希恩戚畹之費則濫觴也。蓋天下之財專以供軍則財未有不足者。第重之以浮費。重之以冗費。則財始瓶罄而囂耻矣。如此則雖欲足兵。其何以給兵耶。臣願陛下持不息之心。急求所以為節財之道。則財計以充。兵力或於是而可強矣。何謂虜寇之警。盜賊因之也。謹按國史。紹興間楊么寇洞庭。連跨數郡。大將王瓌不能制。時偽齊挾虜使李成寇襄漢。么與交通。朝廷患之。始命岳飛措置上流。已而逐李成擒楊么。而荆湖平。臣聞外之虜寇不能

為中國患而其來也必待內之變。內之盜賊亦不能為中國患而其起也必將納外之侮。盜賊而至於逼虜寇則腹心之大患也已。今之所謂虜者固可畏矣。然而逼我蜀則蜀帥策瀘水之勲。窺我淮則淮帥奏維揚之凱。狼子野心固不可以一捷止之。然使之無得棄去。則中國之技未為盡出其下。彼亦猶畏中國之有其人也。獨惟舊海在天一隅。逆雛穴之者數年于茲。颶風瞬息一葦可航。彼未必不朝夕為趨浙計。然而未能焉。短於舟疎於水。懼吾唐島之有李寶在耳。然洞庭之湖烟水沉寂。而浙右之湖濤瀾沸驚。區區妖孽且謂有楊么之漸



矣。得之京師之耆老。皆以爲此寇出沒倏閃。往來翕霍。駕舟如飛。運柁如神。而我之舟師不及焉。夫東南之長技。莫如舟師。我之勝兀朮於金山者。以此。我之弊逆亮於采石者。以此。而今此曹反挾之以制我。不武甚矣。萬一或出於楊么之計。則前日李成之不得志於荆者。未必今日之不得志於浙也。曩聞山東荐饑。有司貪市權之利。空蕪湖根本以資之。廷紳猶謂互易安知無爲其鄉道者。一夫登岸。萬事瓦裂。又聞魏村江灣福山三寨水軍。與販鹽課以資逆雛。廷紳猶謂是以扞衛之師。爲商賈之事。以防拓之卒。開鄉道之門。憂時識治之見。往

往如此。肘腋之蜂蠆。懷袖之蛇蝎。是其可以忽乎哉。陛下近者命發運兼憲。合兵財而一其權。是將爲滅此朝食之圖矣。然屯海道者非無軍。控海道者非無將。徒有王瓌數年之勞。未聞岳飛八日之捷。子太叔平苻澤之盜。恐不如此。長此不已。臣懼爲李成開道地也。臣願陛下持不息之心。求所以弭寇之道。則寇難一清。邊備或於是而可寬矣。臣伏讀聖策曰。夫不息則久。久則徵。今胡爲而未徵。歟。變則通。通則久。今其可以屢更歟。臣有以見陛下久於其道。而甚有感乎中庸大易之格言也。臣聞天久而不墜也。以運地。久而不隕也。以轉水。久而



以不息成  
變通自徹  
外內

不腐也。以流日月星辰而常新也。以行天下之凡不息者皆以久也。中庸之不息即所以為大易之變通。大易之變通即所以驗中庸之不息。變通者之久固肇於不息者之久也。蓋不息者其心變通者其跡其心不息故其跡亦不息。游乎六合之內而縱論乎六合之外生乎百世之下而追想乎百世之上神化天造天運無端發微不可見充周不可窮天地之所以變通固自其不息者為之。聖人之久於其道亦法天地而已矣。天地以不息而久。聖人亦以不息而久。外不息而言久焉皆非所以久也。臣嘗讀無逸一書見其享國之久者有四君焉。

只是  
個無逸  
即是堯之  
兢兢舜之  
業業湯禹  
之慄慄  
孜孜  
不息  
總是一  
無逸耳

而其間三君為最久。臣求其所以久者中宗之心嚴恭寅畏也。高宗之心不敢荒寧也。文王之心無淫於逸無遊於畋也。是三君者皆無逸而已矣。彼之無逸臣之所謂不息也。一無逸而其效如此。然則不息者非所以久歟。陛下之行道蓋非一朝一夕之暫矣。寶紹以來則涵養此道。端平以來則發揮此道。嘉熙以來則把握此道。嘉熙而淳祐。淳祐而寶祐。十餘年間無非持循此道之歲月。陛下處此也。庭燎未輝。臣知其宵衣以待。日中至昃。臣知其玉食弗遑。夜漏已下。臣知其丙枕無寐。聖人之運亦可謂不息矣。然既往之不息者易。方來之不息者

忠愛惓惓



言言酒血  
字字輪丹

難久而不息者易愈久而愈不息者難所臨大庭百辟  
星布陛下之心此時固不息矣暗室屋漏之隱試一警  
省則亦能不息否乎日御經筵學士雲集陛下之心此  
時固不息矣宦官女子之近試一循察則亦能不息否  
乎不息於外者固不能保其不息於內不息於此者固  
不能保其不息於彼乍勤乍怠乍作乍輟則不息之純  
心間矣如此則陛下雖欲久則徵臣知中庸九經之治  
未可以朝夕見也雖欲通則久臣知繫辭十三卦之功  
未可以歲月計也淵蝸蠖濩之中虛明應物之地此全  
在陛下自斟酌自執持頃刻之力不繼則徵久之功俱

廢矣可不戒哉可不懼哉陛下之所以策臣者矣臣  
之所以忠於陛下者亦既畧陳於前矣而陛下策之篇  
終復曰子大夫熟之復之勿激勿泛以副朕詳延之意  
臣伏讀聖策至此陛下所謂詳延之意蓋可識已夫陛  
下自卽位以來未嘗以直言罪士不惟不罪之以直言  
而且導之以直言臣等嘗恨無繇以至天子之庭以吐  
其素所蓄積幸見錄於有司得以借玉階方寸地此正  
臣等披露肺腑肝之日也方將明目張膽蹇蹇諤諤言天  
下事陛下乃戒之以勿激勿泛夫泛固不切矣若夫激  
者忠之所發也陛下胡併與激者之言而厭之邪厭激

明目張胆  
十二字忠  
臣赤悃



每讀先生  
文可悟閱  
古心法

者之言。則是將胥臣等而為容容唯唯之歸邪。然則臣將為激者歟。將為泛者歟。抑將遷就陛下之說而姑為不激不泛者歟。雖然。奉對大庭而不激不泛者。固有之矣。臣於漢得一人焉。曰董仲舒。方武帝之策仲舒也。慨然以欲聞大道之要為問。帝之求道。其心蓋甚銳矣。然道以大言。帝將求之。虛無渺冥之鄉也。使仲舒於此過言之。則激。淺言之。則泛。仲舒不激不泛。得一說曰正心。武帝方將求之。虛無渺冥之鄉。仲舒乃告之以真實淺近之理。茲陛下所謂切至之論也。奈何武帝自恃其區區英明之資。起信之誠。謂其自足以凌跨六合。籠駕八

明目張胆  
蹇蹇諍諤

表而顧如此語。忽焉仲舒以江都去。而武帝所與論道者。他有人矣。臣固嘗為武帝惜也。堂堂天朝。固非漢比。而臣之賢亦萬不及仲舒。然亦不敢激不敢泛。切於聖問之所謂道者。而得二說焉。以為陛下獻陛下試采覽焉。一曰重宰相以開公道之門。臣聞公道在天地間。不可一日壅闕。所以昭蘇而滌決之者。宰相責也。然扶公道者。宰相之責。而主公道者。天子之事。天子而侵宰相之權。則公道已矣。三省樞密謂之朝廷。天子所與謀大政。出大令之地也。政令不出於中書。昔人謂之斜封墨勅。非盛世事。國初三省紀綱甚正。中書造命門下審覆

倚昇則權  
重乘權則  
法行然亦  
須擇品望  
素隆之相  
方可與權  
不則盧杞  
秦檜之奸



邪竊權禍  
世不可勝  
言

尚書奉行官府之事無一不統於宰相是以李沆猶得  
以焚立妃之詔王旦猶得以沮節度之除韓琦猶得出  
空頭勅以逐內侍杜衍猶得封還內降以裁僥倖蓋宰  
相之權尊則公道始有所依而立也今陛下之所以為  
公道計者非不悉矣以實緣戒外戚是以公道責外戚  
也以裁制戒內司是以公道責內司也以舍法用例戒  
群臣是以公道責外廷也雷霆發部星日燭幽天下於  
此咸服陛下之明然或謂比年以來大庭除授於義有  
所未安於法有所未便者悉以聖旨行之不惟諸司陞  
補上瀆宸奎而統師躡級閣職超遷亦以實緣而得恩

侵細者遺  
天大察者  
好業以至  
上疲於苛  
求下工於  
迎奉天下  
事大可虞  
矣

君道龜鑑  
真此一語

澤矣不惟姦賊湔洗上勞渙汗而選人通籍姦胥追刑  
亦以鑽刺而拜寵命矣甚至閭閻瑣屑之鬪訟皂隸猥  
賤之干求悉達內庭盡由中降此何等蟻蝨事而陛下  
以身親之大臣幾於為奉承風旨之官三省幾於為奉  
行文書之府臣恐天下公道自此壅矣景祐間罷內降  
凡詔令皆由中書樞密院仁祖之所以主張公道者如  
此今進言者猶以事當間出睿斷為說嗚呼此亦韓絳  
告仁祖之辭也朕固不憚自有處分不如先盡大臣之  
慮而行之仁祖之所以諭絳者何說也奈何復以絳之  
說啓人主以奪中書之權是何心哉宣靖間創御筆之



直道天殤  
原因小人  
道長

今蔡京坐東廊專以奉行御筆爲職其後童貫梁師成用事而天地爲之分裂者數世是可鑒矣臣願陛下重宰相之權正中書之體凡內批必經由中書樞密院如先朝故事則天下幸甚宗社幸甚二曰收君子以壽直道之脉臣聞直道在天地間不可一日頽靡所以光明而張主之者君子責也然扶直道者君子之責而主直道者人君之事人君而至於沮君子之氣則直道已矣夫不直則道不見君子者直道之倡也直道一倡於君子昔人謂之鳳鳴朝陽以爲清朝賀國朝君子氣節大振有魚頭參政有鶻擊臺諫有鐵面御史軍國之事無

行直道只  
是伸直氣  
用直人

一不得言於君子是以司馬光猶得以殛守忠之姦劉摯猶得以折李憲之橫范祖禹猶得以罪宋用臣張震猶得以擊龍大淵曾覲蓋君子之氣伸則直道始有所附而行也今陛下之所以爲直道計者非不至矣月有供課是以直道望諫官也日有輪劄是以直道望廷臣也有轉對有請對有非時召對是以直道望公卿百執事也江海納汗山藪藏疾天下於此咸服陛下之量然或謂比年以來外廷議論於已有所未協於情有所未忍者悉以聖意斷之不惟言及乘輿上勤節貼而小小予奪小小廢置亦且寢罷不報矣不惟事關廊廟上煩



道氣充塞  
兩間

調停而小小抨彈小小糾劾亦且宣諭不已矣甚者意涉區區之貂璫論侵瑣瑣之姻婭不恤公議反出諫臣此何等狐鼠輩而陛下以身庇之御史至於來和事之譏臺吏至於重訖了之報臣恐天下之直道自此沮矣康定間歐陽修以言事出未幾即召以諫院至和間唐介以言事貶未幾即除以諫官仁祖之所以主直道者如此今進言者猶以臺諫之勢日橫爲疑嗚呼茲非富弼忠於仁祖之意也弼傾身下士寧以宰相受臺諫風旨弼之自處何如也奈何不知弼之意反啓人君以厭君子之言是何心哉元符間置看詳理訴所而士大夫

以正氣使  
正鋒何虜  
不滅

得罪者八百餘家其後鄒浩陳瓘去國無一人敢爲天下伸一喙者是可鑒已臣願陛下壯正人之氣養公論之鋒凡以直言去者悉召之于霜臺烏府中如先朝故事則天下幸甚宗社幸甚蓋大道之行天下爲公周道如砥其直如矢自古帝王行道者無先於此也臣來自山林有懷欲吐陛下悵然疑吾道之迂遠且慨論乎古今功化之淺深證效之遲速而若有大不滿於今日者臣則以爲非行道之罪也公道不在中書直道不在臺諫是以陛下行道用力處雖勞而未遽食道之報耳果使中書得以公道總政要臺諫得以直道糾官邪則陛下



君不息臣  
不欺便是  
明良

下雖端冕凝旒於穆清之上。所謂功化證效。可以立見。何至積三十餘年之工力。而志勤道遠。渺焉未有際邪。臣始以不息二字。爲陛下勉。終以公道直道爲陛下獻。陛下萬幾之暇。儻於是而加三思。則躋帝王軌。漢唐由此其階也。已。臣賦性疎愚。不識忌諱。握筆至此。不自知其言之過於激。亦不自知其言之過於泛。冒犯天威。罪在不赦。惟陛下留神。臣謹對。

廷試前兩日。先生苦河魚。且不能食。試之日。丑寅間。強起乘籃輿。趨馳道外。幾不能支。吾至。所諸進士。趨麗正門之旁門。先生隨群擁併而入。頂踵汗流。頓覺蘓醒。至殿廊。恭受御策。題就。題命意。文思湧泉。運筆如飛。所對且萬言。未時已出矣。或謂有神物者。盪滌其中。以吐其奇。是豈偶然之故哉。道體堂謹書。

封事

已未上皇帝書

十一月吉日。勅賜進士及第。臣文天祥。昧死百拜。謹奉詔。獻書于皇帝陛下。臣一介疎賤。遭逢聖明。猥以庸愚。早膺親擢。世道悠悠。風塵流靡。臣於其間。蓋嘗感激奮發。以爲由今之道。無變今之俗。一日有關於天下國家之故。懼以無辱使令。杜門四年。讀禮之外。蓋未嘗一日

直吐素懷  
忠肝灑瀝



一語人不  
敢道

不思以自效也。乃夏五，陛下臨軒策士，偶垂記憶，起臣於家居。進臣於仕籍，臣伏被宸命，感激不自勝。追惟蒙恩之初，阻於朝謝。北望天路，輒奉表以聞。伏蒙聖慈許，臣詣拜闕下。德至渥也。臣就道以來，不圖國事浸艱，邊烽頓迫。陛下引咎責躬，改過更始。召還舊德，斥去元姦。凡可以當天意，回人心者，無所不用其至。伏惟陛下，不自神聖，猶親灑宸翰，誕布詔書。庶幾中外臣庶，危言極論，以有補於今日之故。陛下悔悟之意，上通於天，天下於此感服。陛下之勇，臣甫及趨謝闕庭，兩讀綸音，爲之哽咽下泣。君臣之義，與天地並立。况臣蒙被厚恩，非衆

愀天事業  
皆從不虧  
本心做出

人比。使於此時，泯泯默默，上負陛下，內負帝衷，尚何以飲食於戴履間哉。是用不避斧鉞，輒奮愚衷，條其說以獻。惟陛下裁幸。一曰簡文法以立事。夫貴爲天子，富有四海，垂衣拱手，以雍容於穆清之上。至尊之體也。不幸際時艱難，兵革四起，俯仰成敗，呼吸變故。此非用馬上治不濟。今國勢搶攘，固猶未至如馬上之急。然寇入腹心，事干宗社。陛下爲皇皇拯救之謀，不得不畧做馬上治之之意。今陛下焦勞於上，兩府大臣，黽勉於下。君臣之間，不可謂非日計軍實而申做之者。然尊卑闊絕，禮節繁多。陛下平旦視朝，百官以次奉起居。宰相搢笏出



堂簾体隔  
萬世通弊

此誠明良  
之會感慨  
係之

敗事每每  
犯此病

當而用用  
始可久莫

奏從容不踰時軍國大事此雖陛下日夜與宰相汲汲而圖之猶懼不既謀王斷國之設施尊主庇民之蘊蓄豈能以頃刻交際而究竟之哉陛下退食之暇雖時出內批以與宰相商論宰相又時有奏報以出其建明然天下事得於面論者利害常決於一言筆墨所書或反覆數百言而不足事機交投寸陰可惜使宰相常有此等酬酢則一事之未固有費其日力者矣其於幾務豈不有所妨哉古者天子之於大臣或賜坐或賜食或奏事至日晏或論事至夜分凡皆以通上下之情為國家至計也賜茶之典五代時猶有之惟國初范質王溥頗

存形迹此事遂廢陛下莫若稍復古初脫去邊幅於禁中擇一去處聚兩府大臣日與議軍國大事陛下賜之欵密親是非可否於其間眾議惟允則三省畫時施行上下如一都俞嘘咈之間必將有超然度外之舉天下何事不可為何難不可濟至於除授尤有關繫且如近者重臣建闡之事方帥海門隨遷建鄴甫鎮建鄴又進上饒布置變換如奕棋然卯詔辰行奔命不給大者措畫之如此小者遷徙之更多人無定志事無成謀當此艱危豈不誤事繼自今始陛下宜與大臣熟議某人備某職某人任某事人物權衡當而後用朝廷命令莫而



後發發乃不更

後發如此則觀聽者不至皇惑驅馳者不至遲回人知其令出惟行則無輕朝廷之心士大夫知其可以展布四體則鞠躬盡瘁而無觀望其於國事厥非小補又如用一人也或出於陛下之拔擢或出於宰相之啓擬中書已費行移後省方及書牘或有不當又至繳駁比其不繳駁也則書黃徑下其人徑受命矣臺諫始從而有所指陳是致國論紛紜而內外職守遷移如傳舍施之平時雖有體統用之今日恐悞事機臣愚以為陛下宜倣唐諫官隨宰相入閣故事令給舍臺諫從兩府大臣日入禁中聚議其有不可應時論難不使退有後言如

此事萬世可法然必須閣省俱去党朋公

心用事方可否則聚訟嫌隙自此起

四語是用人通弊

此則國事無聚訟之譏宸命無反汗之失事會無濡滯蹉跌之悔豈不簡便易行哉若夫中書乃王政之所由出宰相之重又天子之所與論道經邦而不屑其他者也今宰相來於倉卒之中而制千里之難立於敗壞之後而責一旦之功此雖敏手不能以大有為須是博采四方之謀旁盡天下之慮而後不僨於事側聞軍期文書填委叢積宰相以其開誠布公之歲月弊弊焉於調遣科降之間侍從近臣且日不暇相接矣諸葛亮以區區之蜀抗衡天下十分之九究其經濟大要則曰集衆思廣忠益今衆思不暇集忠益不暇廣宰相不得已竭



痛徹情弊

設官分職  
布置井井

其一心。役其兩耳目。日與文書期會。相尋於無窮。此豈其才之不逮哉。我朝三省之法。繁密細碎。其勢固至此也。柳宗元有言。失在於制。不在於政。爲今之計。惟有重六部之權。可以清中書之務。今六部所司。絕是簡省。其間長貳。常可缺員。莫若移尚書省六房。隸之六部。如吏部得受丞相除授之旨。而行省。劄兵部得稟樞密調遣之命。而發符移。其他事權。一倣諸此。而又多置兩府屬官。如檢正都承之類。使知蜀事者置一員。知淮事者置一員。知諸路事者置若干員。兩府日與其屬。劇切講畫。以治此寇。而文書行移。不與焉。如此則大臣有從容之

暇。可以日見百官。以及四方賢俊。酬應簡則聰明。全心志壹。則利害審。塞禍亂之路。開功名之門。當自此始。惟陛下思之。二曰倣方鎮以建守。今天下大患在於無兵。而無兵之患。以郡縣之制弊也。祖宗矯唐末五代方鎮之弊。立爲郡縣。繁密之法。使兵財盡關於上。而守令不得以自專。昔之擅制數州。挾其力以爭衡上國者。至此各拱手趨約束。捲甲而藏之。傳世彌久。而天下無變。然國勢由此浸弱。而盜賊遂得恣睢於其間。宣靖以來。天下非無忠臣義士。強兵猛將。然各舉一州一縣之力。以抗寇鋒。是以折北不支。而入於賊中。興之臣識循環救



弊之法。蓋有建爲方鎮之議者矣。失此不圖。因循至今。日削弱不振。受病如前。及今而不少變。臣不知所以爲善後計矣。今陛下命重臣建宣闡節制江東西諸州。官民兵財盡從調遣。廟謨淵深。蓋已得方鎮大意矣。然既有宣闡。又有制司。既有制置副使。又有安撫副使。事權俱重。體統未明。有如一項兵財。宣闡方欲移。諸司又行差撥。指揮之初。各不相照。承受之下。將誰適從。今日之事。惟有畧倣方鎮遺規。分地立守。爲可以紓禍。且如江西一路。九江興國隆興與鄂爲鄰。朝廷旣傾國之力以赴之。姑所不論。惟寇之至湖南者。已宿堂奧。此外八

州。其措置不容苟簡。八州之中。廬陵宜春最當衝要。虜之爲兵。其法常有所避。避八桂則出清湘。避長沙則出衡陽。今宜春見謂有兵。惟廬陵猶此無備。舍堅攻瑕棄實。擊虛虜旣以此爲得策。則夫避宜春而趨廬陵。其計將必出於此。州縣之事。力有限。守令之權。勢素微。虜至一城。則一城劓殘。至一邑。則一邑蕩潰。事勢至此。非人之愆。若不別立規模。何由戡定禍亂。臣愚以爲莫若立一鎮於吉。而以建昌南安贛隸之。立一鎮於袁。而以臨江撫瑞隸之。擇今世知兵而有望者。各令以四州從事。其四州官吏。許以自辟。見在任者。或留或去。惟帥府所

帥今總制  
之職治亂  
世宜與重  
權令便宜  
行事但此  
時堪此任  
者誰



此足破朝  
廷牽制之  
弊展英雄  
幹辦之才  
大快我胸

為去者。令注別路差遣。其四州財賦。許以自用。自交事  
一日始。其上供諸色窠名。盡予帥府。交事以前。見未解  
數目。亦許截留。其四州軍兵。見屬伍符者。必寡弱而不  
振。見行團結者。必分散而不齊。許於伍符團結之外。別  
出措置。收民丁以為兵。彼一州之緊急者。得三州稍寬  
緩之力。以為之助。三州之寬緩者。得一州當其緊急。而  
無後憂。不出二三月。如吉如袁。其氣勢當自不同。倣此  
而行之。江東廣東無不可者。夫郡縣方鎮之法。其末皆  
有弊。所貴乎聖人者。惟能通變而推移之。故郡縣所以  
矯方鎮之偏重。方鎮所以救郡縣之積輕。今郡縣之輕

寫英果  
難其人  
用人選才  
知此則  
不難為

甚矣。則夫立為方鎮之法。以少變其委瑣不足恃之勢。  
真今日之第一義也。陛下一日出其度外之見。不次拔  
數人之沈鷺英果者。委以數鎮。俾各為國家當一面。則  
郡縣之間。文移不至於太密。事權不至於太分。兵財得  
以自由。而不至於重遲而不易。舉旬月之間。天下雷動。  
雲合。響應影從。驅寇出境。外雖以得志中原可也。尚何  
惴惴宗社之憂哉。三日就團結。以抽兵。抽兵之說。臣前  
已開其端。而其節目未悉也。請再陳之。夫取兵於民。周  
井田。唐府兵之遺法也。今使者四出。分行營陣。俾各處  
團結。以自為鄉井之衛。疾行之中。此亦庶幾善步者。然



而無益也。近時朝廷以保伍爲意。官府下其事。里胥爲里胥者。沿門而行。執筆以抄其戶口。曰。官命而各爲保伍也。已而上其籍於官。又從而塗通塗之壁。取其甲分五五而書曰保伍。如古所謂保伍者。如此而已。臣居廬陵。往往有寇警。則鄉里又起所謂義丁者。一日隔總擊柝以告其一方。曰。寇至毋去。諸而等各以某日聚某所。習所以守望。至其日也。椎牛醢酒以待。隨其所衣。信其所持。從而類編爲之伍。一匝乎村墟井落之間。翕然而聚。忽然而散。則義丁者。又止如此而已。今朝廷命使以團結州縣。奉旨而行。移計其規爲布置。當有加密於臣

所言者。然某所若干人。某所又若干人。屬邑合狀帳申郡府。郡府合狀帳申朝廷。計其數目。當自不少。然其分也散而不一。其合也多而不精。故當其分。則鄉村無以通於鎮市。鎮市無以通於城郭。虜突如其來。彼一方者。力不敵。勢不支。老弱未及棟。教閱未及施。雖有金鼓旗幟之物。而未知坐作進退之節也。雖有城池山澤之險。而未知備禦攻守之方也。且民之聚也。使之自峙其糧。自備其飲食。則有所不能仰於官。則無以給也。有以給則又不能久也。臣故曰無益也。夫前所謂或千人或數百人。此隅總一日能辦也。今建言者不察其聚之易而



用之難。增兵之有名而拒寇之無實。乃欲視其團結之多寡。升降其官。賞以爲勸。且意其一日之急。或者可驅而他之。賈誼有言。皆非事實。知治亂之體者也。陛下能委數州立一方鎮。莫若俾爲帥者。就團結之中。凡二十家。取共一人。以備軍籍。一郡得二十萬家。則可以得一萬精卒。例而行之。諸州則一鎮新兵。當不下二三萬。州郡見存之租賦。可以備兵食。見存之財利。可以備軍需。古人抽丁之法。或取之三家。或取之五家。今官收其米。以就爲養。收其財。以就爲用。既食其力。不當又重役其人。惟於二十家取其一。則衆輕而易舉。州縣號召之。

兵貴精不貴多。貴鍊不貴踈。

無難。數月之內。其事必集。爲帥者教習。以致其精。鼓舞以出其銳。山川其便習也。人情其稔熟也。出入死生之相爲命也。鋒鏑之交。貌相識而聲相應也。如此兵者。一鎮得二三萬人。當凜凜然不下一敵國。今諸路列鎮。則精兵雖十餘萬。可有也。太祖皇帝南征北伐。所至如破竹。計其兵曾不滿二十萬。使吾於諸閩之外。別得十萬精兵。則何向而不可哉。或曰。國家經常皆用供億。州縣財賦各有窠名。今上流之兵未解。江淮之餽如故。使移此事力以給方鎮之兵。如諸閩何。嗚呼。擇害莫若輕。擇利莫若重。臣蓋籌之審矣。夫京湖之路。旣梗。則雖欲漕。



運而舟楫不能以前。江廣之備旣虛。則雖有財賦而土地不能以自保。與其束手無措以委輸於虜。孰若變通盡利。以庶幾虜之可逐也。且夫江廣旣全。則吾之境內其惟正之供者尚多也。陛下撫此厄運。不得不勉自節縮。曲爲通融。多方以濟諸閩之急。支吾年時。寇必就盡。然後一正吾之郡縣。一復吾之經常。未晚也。不然。殆未知其所終。惟陛下深思亟圖之。四曰破資格。以用人。本朝用人。專守資格。祖宗之深意。將以習天下之才。世雖有賢明忠智之人。英偉奇傑之士。亦必踐駁之多。涉歷之熟。積勞持久。而後得至於高位。養成遠大之器。消弭

僥倖之風。人才世道。胥有利賴。然其弊也。有才者常以無資格而不得遷。不肖者常以不礙資格法而至於大用。天下卒有變。不肖者當之。而有才者拱手熟視。夫是以常遺國家之憂。臣常見數年以來。邊陲之間。偶缺一帥。陛下徬徨四顧。弄印莫屬。挨排應急。不得已。常取監司之風力者爲之。趙魏老不可以爲滕薛大夫。陛下非不知其然也。他人資格。或有未及。而彼適可得之。雖其才具。容有不逮。然猶意境外無事。以幸其不至於敗。缺比其敗。缺則倉皇變易。常至於失聲色。而後已。嗚呼。此平世拘攣之弊也。今天下事勢潰決已甚。一有蹉跌。事



朱紫誇張  
才猷短劣  
真可痛歎

關存亡百夫不可輕擇將一壘不可輕畀守况其重者乎今自朝郎以上凡內之卿監侍從外之監司郡守紫朱其綬唱喝車蓋而出者不知幾人其中果有非常之才堪任將帥則是望實既優資格又稱一日舉而置之萬夫百將之上誰曰不然然臣意陛下之未有其人也則夫宗社安危之機不可輕決於庸人而有資格者之手世之能辦事者固多矣三辰不軌拔士為相蠻夷猾夏拔卒為將事固各論其時也今何如時尚拘拘子子於資格之末臣觀州縣之間凡察底小官馳騁於繁劇之會者蓋甚有之薦引之法浸弊於私而改官之格

勢利者升  
清孤者黜  
碌碌者進  
才識者遺  
仕途然士  
氣亦然可  
悲可嘆

可為嘆息

率為勢要者所據孤寒之中獨無可任大事者乎三歲一貢士碌碌成事者眾而氣槩才識望於鄉里曾不得一名薦書抱膝隆中杖策軍門固皆逢掖章甫之流也夫今日之士他日之官也今日之小官他日之為公卿者也天下有事凡能擔當開拓排難解紛惟其才耳固有明知其人之有才而拘於資格之所不可則亦姑委棄之此豪傑之士所以痛心疾首於世變之會也陛下如建立方鎮收拾人才臣願明詔有司俾稍解繩墨以進英豪於資格之外重之以其任而輕授以官俟其有功則漸加其官而無易其位漢唐法度疎闊其一時人

激發英賢  
大幹濟



使貪使詐  
使愚使勇  
非大權術  
大激勵不  
能

才常侷儻不羈。本朝以道立國。以儒立政。則亦無取乎爾。然至於今日。事變叢生。人物落落。奈何不少變之哉。至如諸州之義甲。各有土豪。諸峒之壯丁。各有隅長。彼其人望。爲一州長雄。其間蓋有豪武特達之才。可以備總統之任。一日舉之以爲百校之長。則將帥由是其選也。其穎異通敏者。引之於帷幄樽俎之密。又從而拔其尤者。委之以人民社稷之重。則人才不可勝用也。至如山巖之氓。市井之靡。刑餘之流。盜賊之屬。其膽勇力絕。足以先登。其智辯機警。足以間謀。使貪使愚。使詐使勇。則群策群力。皆吾屈也。昔之方鎮。食其土地。用其人民。

拊循其士大夫。馳策其跣弛之士。故雖以區區之地。常足以與天下爭雄。今雖未至於此。然陛下髣髴而行之。則吾規模意氣。固已一變前日之弱矣。惟陛下熟計之。幸甚。夫古之爲天下國家者。常有敵國相持之憂。然而立乎四戰之衝。雖將劔兵潰。屢起屢仆。而其國終不可動。由卓然有所立故也。今陛下奮發神斷。赫然悔悟。所以洗舊汗。更宿弊。如雷霆風雨。交馳並至。而不可禦。陛下亦求所以爲自立矣。而未得其方也。自立之方。臣前所獻之數條是已。雖然。臣意陛下未之能行。則有說也。何也。悔悟之意未明也。奸人當國。指天下能言之士。謂



逐才者佞  
害良者諛  
人君有明  
知而明蹈  
者

知禍亂為  
靖共之報  
則當審于  
用人

痛快

宋末公道  
寄之書生  
朝廷可憐  
亦理學諸  
儒力也

之好名譁競使好名譁競者常在朝廷則清議之福陛下必及受用事應不至今日惟浸潤膚受為毒已深而後陛下之人才盡逐陛下今既悔悟矣然鋒車所召率未及前日擯棄流落之人或謂陛下猶有畏其不靖共之意夫今日之禍亂靖共之報也陛下猶有愛於貌為靖共者邪此悔悟未明之一也三數年前縉紳之能出臆論事者既為奸人所屏學校之士猶叩闥疊疊不自已奸人疾其為害已也託名學法重致意於禁上書之一條而後陛下之言路盡塞陛下今既悔悟矣然食肉之徒未有能出一語以救陵遲之禍惟學校不憚懇懇

以為言彼其所陳固有未盡切實者陛下何不擇其善者而施行歟此悔悟未明之一也今有人馬陷於酒色湛溺而不自知元氣日耗蝕於內客邪日衝擊於外四肢百骸幾至解體一日倏大悔悟自創其酒色之愆而使為朋友僕御者各得以勤攻已之短其為身謀幾晚矣然知湛溺之為病而猶諱其所從來則是病根固在也人非不知愛身彼諱病根而不肯決去者說其小而忘其大也陛下所以救社稷重於救身則夫病根所在何所顧惜而不之去歟高宗皇帝以麥飯豆粥之苦植立東南百四十年太平之基陛下嗣無疆大曆服所以



時賈似道  
聚怨中外  
釀成禍亂

撫摩愛養培億萬年丕天之休加用力焉不幸比者中外怨叛吾之赤子自延寇入室謀危國家蓋至今日遠近爲之荷擔宗社幾於綴旒天下之人追咎其失以爲聚歛之過而聚歛之事通國憤然怒罵以爲倡於陛下左右之人夫此一人者竊弄威權上累聖德其凶醜威惡蠹國害民者臣不能具數獨其攘臂聚歛招集奸凶爲陛下失民失土以貽宗社不測之憂者其罪莫甚焉趙簡子命尹鐸爲晉陽尹鐸曰繭絲乎保障乎簡子曰保障哉古之爲天下計者不屑於其小而惟遠者是圖不快於目前之求而常恐其一朝之患故雖簡子區區

之大夫尹鐸區區之小吏其所規爲猶及於此國家之大不可以田舍翁自爲也後之人君思以富雄天下固有時出其聚歛之術然猶繭絲自繭絲保障自保障何物刑餘爲謀不臧率天下以共向繭絲之的而保障之地亦不得免焉繭絲之毒不可忍而後保障之禍不可爲陛下間者屢出內帑金帛分給諸司期有救於難然調度方殷兵革又不得息前日聚繭絲之得未什伯今日救保障之費蓋千萬億秭而未有已也嗚呼誰生厲階至今爲梗向使此人者不以聚歛斲伐祖宗溷洪寬大之仁蠹賊陛下神明英武之德則必不妄籍民財以



入修內司。必不豪奪民產。以實御莊。必不諸價西園。以布中外。貪酬之寵。必不交通南牙。以開朝廷汚濁之門。如此則奸人必不得竊據相位。徧置私人。如此則疆禦培克之流。必不得齒於縉紳。玷於節鉞。如此則各郡有賢守。各路有賢監司。必不侵漁。以交結北司。剝割以應奉內。獻民心。必無變宗社。必無危今朝廷知江閩虐取漁舟。故吾人爲虜鄉導。以至於此。曾不知是數年間外之監司郡守。求爲交結。應奉。而一切不卹。以失吾民戴宋無二之心者。所在有之。江閩之事。偶著爾。今論者追訟江閩之罪。死有餘責。則夫使士大夫買買馬。爲聚斂。

重失人心。激天下以各懷怨叛。如臣所指之人者。一死詎足道哉。且夫奸人之入相也。使非此人者。與之相。爲表裏。以揜陛下之聰明。密爲游揚。以開陛下之信用。則賢者必不以好名中傷。言者必不以譁競逐去。學校之持公論者。必不以諛橫得禍。士大夫之秉直節者。必不以貪贓加罪。朝廷清一言路。光明邪人。何自而赫張。民瘼何自而壅隔。人離而陛下何以不覺。寇至而陛下何以不知。彼其依憑陛下恩寵。以爲奸人。與主故顛倒。宇宙濁亂世界。而得以無忌憚。使陛下今日訟過於天地。負媿於祖宗。結怨於人民。受侮於夷狄。則豈獨一奸人。



爲之哉。原情定罪。莫重於奧主。而奸人次之。莊周曰。兵莫潛於志。鎔鄒爲下。言刺人而殺之。不在於手。而在於心。不在於鋒。而在所以用其鋒者。奸人則鎔鄒也。奧主則志也。方今國勢危疑。人心机捏。陛下爲中國王。則當守中國。爲百姓父母。則當衛百姓。且夫三江五湖之險。尚無恙也。六軍百將之雄。非小弱也。陛下卧薪以厲其勤。斫案以奮其勇。天意悔禍。人心敵愾。寇逆死。且在旦夕。或謂其人者。鋪張驚憂。以沮陛下攘寇之志。處分脆弱。將誤陛下爲去邠之行。居前日。則曰。我能爲君充府庫。以盜其權。居今日。則獻其小心。出其小有材。使陛下

意其緩急。可恃以固其寵。向非陛下參酌國論。堅凝廟謨。爲效死不去之計。則一日嘗試其說。六師一動。變生無方。臣恐京畿爲血。爲肉者。今已不可勝計矣。小人誤國之心。可勝誅哉。臣愚以爲今日之事。急矣。不斬董宋臣。以謝宗廟神靈。以解中外怨怒。以明陛下悔悟之實。則中書之政。必有所撓。而不得行。賢者之車。必有所忌。而不敢至。都人之異議。何從而消。敵人之心。膽何從而破。將士忠義之氣。何自激昂。軍民感泣之淚。何自奮發。禍難之來。未有卒平之日也。千金之家。得一僮奴。稍足以稱其私。雖害于而家。未忍亟去。况其人給事之歲月。

一字一髮  
指一語一  
痛快真開  
胸待頭



情中語意  
中事俱爲  
拈出倍極  
聳動之忠

已深乞憐之懇。款已熟陛下性資仁厚亦豈忍遽甘心  
焉。然宗社之事重左右之恩輕蠹民誤國之罪深承顏  
順色之愛淺伏惟陛下以宗廟社稷之故割去私愛勉  
從公議下臣此章付之有司暴其罪惡明正典刑傳首  
三軍以徇如此而天下不震動人心不喜悅將士不感  
泣而思奮虜寇不駭愕而謀還是人心天理可磨滅也  
是天經地義可漸盡也臣所不信臣嘗讀諸葛亮出師  
表輒捲卷哀憤悲其用心亮之言曰宮中府中俱爲一  
體陟罰臧否不宜異同若有作姦犯科及爲忠善者宜  
付有司論其刑賞以昭平明之治亮將獎率三軍北定

中原攘除姦凶興復漢室其於官府之政宜若無與而  
獨區區以此爲先者良以社稷安危之權國家存亡之  
故不在於境外侵迫之寇而內之陰邪常執其機牙此  
亮之所以深權內外本末之理而先窒其禍亂之源也  
今臣上自朝廷下至州縣所以分畫其規模纖悉其經  
緯以上助尊夏攘夷之一畫者已畧備矣而臣獻其狂  
愚於未猶有感於亮之所言區區劣功何敢引亮爲證  
顧所以忠君愛國之心則亮之爲也臣非不知疎遠之  
人指陳無狀于犯天誅罪在不赦且使幸赦之不誅則  
左右之人仇疾臣言亦將不免然臣所以不顧危亡寧



如此者古  
來人臣有  
幾

以身犯不測之鋒者。義命之際。臣固擇之精矣。方今社稷震動。君父驚虞。此所謂危急存亡之秋。臣委質爲臣。與國同休戚。親見外患如火燎原。而內寇又復植根固。流波漫則禍難無涯。臣死亡正自無日。與休迫於權勢之威。憂疑於一已之禍。噤口結舌。以坐待國家之難。而後歿。孰若犯死一言。感悟天聽。如陛下以爲狂妄而誅之。臣固已自分一死。萬一陛下察臣之忠。行臣之言。以幸宗社。則臣與國家同享其休榮。等死之中。又有生路。此臣所以齋咨涕洟。望闕懇悃。而不能自己也。臣冒瀆天威。殞越震懼。謹席藁私室。以俟威命之下。臣無任瞻

天望聖。激切屏營之至。不備。臣某昧死百拜上。

此先生開慶己未伏闕書也。先生丙辰狀元及第。乃穆陵親擢。舊例三魁唱名罷。賜袍笏謝恩。入幕。賜御饌。進謝恩詩。出賜席帽於闕門外。上馬迎入。期集所者。又名狀元局。官給錢物。供張皂隸等。於此所聚。同年待賓客。刊題名小錄。賜聞喜宴。進謝宴詩。如此者。一月然後率榜下士詣闕門謝恩。謂之門謝。門謝後。命之初階。內狀元授承事郎。僉書某軍節度判官廳公事。至後一科放進士榜。則前一科狀元召入爲秘書省正字。名曰對花召。此舊例也。先生入期集所數



日嚴侍有疾卽謁告還邸侍藥未幾乃有失怙之變卽持服扶柩歸里服除閉門度日後一科當對召日始除僉書寧海軍節度判官廳公事蓋先生未除官而卽持服故除初階先生上請未敢受官乞行門謝禮奉旨允已未冬造朝門謝適有江上之警應求言詔上此書不報而歸未幾又除僉書鎮南軍節度判官廳公事先生上請乞奉官觀香火以安分守除中管建昌軍仙都觀未幾除秘書省正字誥辭云倫魁登瀛故事也然始進大率以虛名旣久乃知其實踐天爾則異是初以遠士奉董生之對繼以卑官上梅福

之書天下誦其言高其風知爾素志不在溫飽麟臺之召其來何遲語有云見大名難又云保晚節難爾其厚養而審發之使輿論翕然曰朕所親擢敢言之士可陞校書郎又陞著作佐郎兼景獻太子府教授值巨闡董宋臣再出用事於是上章極論遂出知瑞州此章見於後今畧敘其槩云道體堂謹書

癸亥上皇帝書

七月吉日具位臣文天祥謹昧死百拜獻書於皇帝陛下臣畎畝末學天賦樸忠遭逢聖明早塵親擢已未之夏陛下廷策多士記憶微臣俾佐京兆尹幕時臣不敢



六師恐是六飛緣遷都也

權好在朝則處分建

白即丞相一片忠心徒委而徇國至死方畢耳哀哉

便視為再生先生此言非飾故辭亦不爽

忠臣視小人如腸肺潰頃刻難忍

媚魏監面自放在何

拜恩乞行進士門謝旨令赴闕其冬實來行禮適值寇難方殷江上勝負未決而全永衡且破于時京師之勢危如綴旒上下皇皇傳誦遷幸臣得之日擊忱恐六師以一朝而動京社之事關係不細采之公論則謂寇禍起於儉壬之聚斂而儉壬用事則主於董宋臣至於遷幸一事宋臣張皇處分尤駭觀聽事勢至此死且無日臣忠憤激發叩闈上疏乞以宋臣尸諸市曹以謝生靈荼毒之苦指陳觸忤自分誅斥出關待罪不報亟歸山林側聽聖裁臣章雖不付施行而竟亦不坐臣以罪非惟免於罪而已改命洪幕從欲與祠又寵綏之臣嘗

以為區區父母之身既委而徇國矣陛下赦而不誅臣之再有此身是陛下賜之也感激奮發常恨未有一日答天地之造前冬誤辱收召畀以館職曾未幾時進之以著庭寵之以郎省臣之取數於明時者益以過多共惟聖德日新朝無闕事臣得從事鉛槧悉意科條以無忘靖共爾位之訓忱幸忱荷茲者倏讀報狀宋臣復授內省職事臣驚歎累日不遑寧處繼傳御批游畀兼職且使之主管景獻太子府臣備員講授實維斯邸此人者乃為之提綱當其覆出臣自揆以義且無面目以立朝况可與之聯事乎請命以去臣之分也然臣端居深



處

忠臣諫君只是留君餘地以冀君之自悟非若小臣遇事犯爭以去事不以其定濟

君不必其必聽始而諫終而去以訂局也

古質

留君餘地

念託故而去。謂之潔身可也。陛下未嘗拒言者。言而當於可。陛下未嘗不行。臣不言而去。則於事。陛下之道。為有未盡。是用不敢愛於言。伏惟陛下鑒臣之衷。而幸聽焉。臣伏讀國史。竊見孝宗皇帝。所以待贊御者。終始之際。恩威甚明。臣嘗以為自古人主。寬仁莫如孝宗。英斷亦莫如孝宗。方曾覲龍大淵。輩用事。周必大言之。龔茂良言之。劉度言之。鄭鑑袁樞言之。言者日以盛。而孝宗假以恩寵。未嘗為之少衰。孝宗豈弗諫者哉。聖心寬仁。未忍驟有所加也。比其招權弄勢。日益翕赫。小心謹畏之態。昵昵於前者。迄不能掩其陰私。傾險之迹。或以見

疎死。或以坐罪廢。英斷如此。豈以寬仁而遂失之姑息哉。開國承家。小人勿用。聖子神孫。一守是法。共惟皇帝陛下。以聰明操制萬幾。以神武經緯六合。四十年間。凡經幾大禍亂。幾大驚危。絃重新整頓。功業逐日以新。聲名隨風而流。尚論聖德。三代以下之英主。未能或之先也。神明之下。侍御僕從。罔匪正人。且夕承弼厥辟。固其所也。惟是宋臣兇鷺慘毒。不可嚮邇。陛下曩以其小有才。而假借之。小人不足大受。倚恃權勢。無所不至。戊午已未間。天下指目。共欲甘心。臣冒死先為陛下言之。陛下下於此時。猶有徘徊顧惜之意。未即加罪也。而縉紳學



只是從寬  
仁引他英  
斷忠臣苦  
心苦口

仁字內隱  
然藏一斷  
字委宛可  
念

又以不忍  
隱然開其  
當斷

又以根種  
以甚之

又以貽謀  
以欺之

校交疏其惡伏闕投匭殆無虛日陛下始豁然大悟奪其太阿屏置畿郡中外鼓舞歌誦盛德臣妄謂陛下之寬仁全似孝宗陛下之英斷亦全似孝宗漢家自有制度固應如是詩云維其有之是以似之雖然陛下稟天地冲和之全氣接帝王忠厚之上傳寬仁英斷雖並行而不相悖二者分數寬仁較多是以如此人者遂得以生全於覆載之內尋醫之旨未幾朝請之命復下今者又使之內居要地日觀宸光惟至聖為能寬裕有容有如此者然臣嘗聞之惟仁者能好人能惡人蓋仁則無私無私故能好能惡聖人豈專以博愛為仁哉漢唐宦

官之禍其後至於濫觴而不可救推原其初則起於時君一念之不忍是故古人之防微杜漸不敢忽也語曰往者不可諫來者猶可追宋臣前此誤國之罪陛下既赦之而勿問矣臣何敢追尤往事上瀆聖聰獨為方來計則發緯之憂不能忘情焉夫以陛下聖明在上孤雛腐鼠亦何敢晝舞夜號少作喘息其人心性殘忍群不肖所宗竊恐復用之後勢醜肆張植根既深傳種益廣未流之禍莫知所屆近者陛下親製十四規丕哉聖謨為萬世計甚悉有如此事獨可以為小故無與於貽謀而闕畧之哉宋臣之為人臣實疎遠亦安能以盡知之



奸人蠱君  
每以假愿  
自飾甘言  
巧語誣人

又復到英  
斷上去

只是一味  
純忠處置  
不激不昂  
聽之大臣

將君先去  
君心之蠱

感激

惟是天下之惡名萃諸其身。京國閭巷無小無大。輒以董閹羅呼之。陛下之左右使令亦衆矣。此名不歸之他人。而惟此一人是歸。則豈不召而自至也哉。陛下毋以其退然謹愿。而謂其未必怙威生事也。毋以其甘言卑詞。而謂人言為已甚也。千金之家。強奴悍僕。恣橫閭里。至其服役於主人之前。固亦未嘗不小廉曲謹。而可信也。此事雖小。可以喻大。陛下儻察及此。則亦何愛於此一人。而閔惜英斷。以重違天下之心哉。伏望陛下稍抑聖情。俯從公議。縱未忍論其平生之惡。以寘之罪。亦宜收回成命。別選純謹者。而改畀之。失一兵得一兵。於國家事。夫亦何損。于以厭人心之公。于以示來世之法。于以防天下之禍於未然。令聞令望。施于無疆。臣子之願。莫大於此。臣實何人。輒上封章。以仰及於萬乘之所親信。蚍蜉撼木。自速螫粉。可謂愚甚。然臣方備位中朝。使其以厚祿糊口。坐取遷擢。豈不得計。而臣子所以事君正義。謂何世道升降之大幾。國家利害之大故。奈何坐而視之。噤不發一語。上負天子。下負所學。貽無窮羞。此臣所以不敢強顏以留。亦不敢詭辭以去。忘其嬰鱗不測之危。以冀陛下萬一聽而信之。臣言得行。宗社之利也。臣之榮也。如臣之積忱。未足以仰動天聽。坐受斧鉞。

此先生八月  
疏也竟  
置不報將  
掛冠丞相

也。臣之榮也。如臣之積忱。未足以仰動天聽。坐受斧鉞。



留之十二  
月得以就  
養去嗟乎  
此行不啻  
屈大夫江  
上心也

九隕無悔。謹杜門席藁以聽威命之下。臣無任望闕瞻天。激切屏營之至。不備。臣昧死百拜。

### 輪對劄子

臣早以書生。遭遇先皇帝親擢。事先皇帝垂十年。恨無涓埃補報天地。陛下龍飛繼運。移忠以事聖明。永肩乃心。臨鑒在上。比者臣來自外藩。待罪戎監。陛下親御宸墨。進之經筵。臣學殖凋蕪。循牆無路。自入侍。屢切見天顏。睟穆聖性謙虛。雖如草茅之愚。時賜訪問。臣感激殊遇。亦既得以悉數於前矣。猥當轉對。伏念臣職在講讀。今日聖學關天下治忽。不細。輒因封事。畢陳其衷。臣

略解

聞聖人之作經也。本以該天下無窮之理。而常足以擬天下無窮之變。天地無倪。陰陽無始。人情無極。世故無涯。千萬世在後。聖人亦安能預窺。逆觀。事事而計之。物物而察之。然後世興衰治亂之故。往往皆六經之所已。有凡六經垂監戒。以爲不可者。小犯之則關安危。大犯之則決存亡。如赴水火之必斃。如食堇葛之必毒。是何哉。聖人知有理而已。合於理者昌。違於理者僵。所貴乎帝王之學。惟能不悖乎六經。無蹈乎其大戒而已。嗚呼。聖人所以爲萬世慮者。豈不甚智。所以爲萬世戒者。豈不甚仁矣哉。書曰。民可近。不可下。予視天下。愚夫愚婦。

學必本之  
六經  
仁智二字  
得六經典  
外傳心之  
旨



一能勝予。而後世猶有以民爲黔首。以覆其宗。爲天下

笑者。書曰。內作色荒。外作禽荒。詩曰。亂匪降自天。生自

婦人。而後世猶有昭陽華。清霓裳。羽衣以階。漁陽之禍

者。書曰。謹乃儉德。惟懷永圖。又曰。不作無益。害有益。不

貴異物。賤用物。而後世猶有葡萄。天馬。甲帳。翠被。以致

四海蕭然者。臣嘗歎夫。自聖經以來。時君不聞大道之

要。生人不被至治之澤。秦至五季。千數百年間。犯六經

之顯戒者。相望史冊。聖人立爲大經大法。以幸萬世。貌

然未有聞焉。豈不惜哉。惟皇上帝。昇矜斯文。孔孟微言。

至我朝。周程張朱。始大闡明。如濛斯發。先皇帝表章四

書。尊禮儒生。爲往聖繼絕學。爲萬世開太平。穆考之廟

稱爲理宗。陛下親得精一之傳。而日就月將。緝熙于光

明。斯道斯民。解后千載。先皇帝欲爲唐虞三代之治。殆

留與陛下。使了此事。臣覩陛下自踐祚以來。畏天尊祖。

親親仁民。敬大臣。體群臣。尊其所聞。行其所知。何往非

學。今朝廷清明。宮府齊一。大法小廉。罔越厥志。不可謂

不治矣。然臣切恠。去年寒燠失常。四方或以旱告。今年

星文示變。雨雹見妖。近者積陰爲寒。皆名咎徵。漢人縱

閉之學。必謂一證主事。臣不能曉此。但卽其影。而想其

形。因其流。而疑其源。豈人所不知。已所獨知之地。陛下

先生惟以  
天道之要  
重君立身

孔孟之教  
大闡于宋  
先生

引君當道

變理陰陽  
公實身任  
觀此焉得  
不言



凡經筵皆務應故事豈能如此切實致君

吾身親見幸殊公本懷

猶有當反之六經者乎。陛下日御經筵，正道正言，嘗接於耳，而又內庭不廢觀書。傳曰：多識前言往行，以蓄其德。陛下蓋有之矣。臣愚更願陛下虚心體認，切已省察。每誦一義，善可以為法，即驗之身，曰：吾嘗有是乎？無則勉之。每說一事，惡可以為監，即揣之心，曰：吾嘗有是乎？有則改之。言則慮其所終行，則稽其所敝。豈惟制治于未亂，保邦于未危，充道學之用，經綸天下之大經，範圍天地之化而不過，行而帝行而王，以卒先帝主張道統之事。親見之哉。書曰：兢兢業業，一日二日，萬幾。夫一日二日，在即有萬事，然一事不謹，

則萬事之幾自此而兆。故撥亂本塞禍原，無一息不當用功。兢兢業業，所謂必有事焉者也。惟陛下留神。

內制

擬進御筆

為馬丞相趙奩書上奏留平章

書曰：三人占則從二人之言。蓋占取其同，自二人之同推之，卿士庶人無往不同者。師相欲去二府以為不可去，是千萬人皆以為不可去矣。朕自師相有請，寢食不為安，朕必不能違衆心。師相亦必不忍違朕心。嗚呼！尚鑒時忱，永綏在位。師相其聽之哉。所請宜不允。

又擬

典謨詔語之語



文山全集 卷三  
周公相成王。終身未嘗歸國。孟子當齊世不合。故致爲臣。蓋常情以去就爲輕。惟大臣以安危爲重。苟利諸國。皇恤其身。若時元勳爲我師相。先帝付託大義所存。太母留行。前言可覆。胡爲以疾而欲告休。惟醫藥所以輔精神。惟安身所以保國家。古者之賜几杖。雖當七十而不得引年。我朝之重辯章。雖過九旬而尚使爲政。勉釐重務。勿因眇懷。所請宜不允。

此先生直翰林院時。代言一二也。留平章二批已進呈御前。賈似道有聞。嫌所擬無過褒之辭。且怒不先呈已。諷諭別直院官改作。進呈批出。竟不用先生所擬。先生卽引先朝楊大年。在翰林草詔。以一字不合。真宗聖意。明日援唐故事。學士作文書有所改。爲不稱職。當罷。因亟求解職。可祠引去。賈似道以漆木史作字。致先生勉留。大畧云。直院援楊大年故事。豈非亦有大年性氣邪。如此者。在先朝以爲異。後來皆以爲常。近日馮王二直院所擬。未嘗不反覆更定。旣曰天子私人。又豈不通商量。只如每年春帖。自有一等忌諱字面。上每令似道諭詞。臣再三改定。諸公亦惟知謹承上意。直院特未知之耳。幸不必過爲突兀。而有遐心。至叩率幾台照先生貼名。繳還來槩。又上第

如賊殘害  
忠良每故  
爲曲留以  
盡其壽



二章力丐祠。東擔出國門。而臺疏罷命出矣。先生有詩曰。當年祇為青山誤。直草君王一詔歸。是也。道體堂謹書。

莊重典則  
貽謀戰戰  
之評

天擬冊立皇太子。文商量只收。每平春帥自前一。皇帝若曰。朕弗克于德。嗣先人宅丕后。三十有七年。夙與夜寐。怵惕惟厲。懼無以追配于前猷。自底不類。迺季秋。將有事明堂。思惟皇天全付于有家。繼繼承承於千萬年。祖宗在天。眷相惟茲。蔽自朕志。貽厥孫謀于一人。有辭郊廟神祇。祖考將安樂之。皇帝曰。猷具官皇子某。爾忠孝豈弟。少如夙成。朕用疏爾王封。衍爾賦畀。欽迺

伊周規君  
心法惟先  
星是歸

服命克懋厥德。惟爾休昭。事有嚴俾。爾圭鬯薄海內外。罔不咸一。其冊為皇太子。改名某。嗚呼。厥惟我前人造天丕基。創守惟艱。哉。天難謀命。靡常。民罔常懷。懷于有仁。戒之哉。爾惟親正人。學于古訓。罔遊于盤。罔淫于逸。罔以非道。孫志罔以古之人無聞。知尊德崇道。由仁義行。乃若時守宗廟社稷。以為祭主。天地神人無疆。惟休朕不失。為知子爾。亦有令名於戲。欽哉。

宋文文山先生全集



刑不共德賦年爾亦存今亦依禮勉若

台以昔律安宗德如縣以爲祭主天賦物人聚其利

國以非德務法用以古之人無關賦轉新集由公

曰海之清爾對縣五人學千古時因幾千幾因

天不其山中卦與時天機若命銀神若國當新集

開承如廟也開也其夫其其其其其其其其其其

那命京懋那那那那那那那那那那那那那那那

宋文文山先生全集

宋廬陵

文天祥文山父著

明武林後學鍾越異度父評閱

鍾天均小天父

鍾天堦九瞻父

弟鍾同超上士父較

表牋

門謝表

臣某言伏準省劄五月二十八日三省同奉聖旨文天祥添差簽書寧海軍節度判官廳公事仍釐務臣以賜



入才之興  
實開天道

第之初未經門謝未敢祇拜劄命申乞指揮續準省札  
七月十一日三省同奉聖旨令朝謝訖之任臣謹遵奉  
旨揮詣闕庭朝謝者御大廷而發策式廣旁招奉清問  
以攄忠誤承親擢尚阻紫宸之謝遽叨黃紙之除曠世  
遭逢瞻天感激臣切以賓興下詔同天地宗祀之彛科  
舉取人代造化爵賢之柄豈曰利人才之進取其間實  
天道之流行肆萬乘之臨軒受諸侯之貢士占小善者  
率以錄咸造在廷取一人焉拔其尤必有名世豈應庸  
瑣可在蒐羅臣稟質既凡聞道猶淺才非洛陽之年少  
偶玷薦書學非廣川之大儒遽塵舉首自叨異數亦既

三年回思臚唱之蒙恩莫與鳧趨而奉表有懷就日無  
路賤天方徬徨於丘園乃寵綬其祿秩輒請展爲臣之  
禮幸許脩詣闕之恭茲益伏遇皇帝陛下德體乾行道  
符常久世更三紀遠追成周式化之風歲啓後庚近接  
藝祖開基之運凡際風雲之會咸依日月之光遂令一  
介之姓名亦被九重之記錄臣敢不誓堅素守勉企前  
脩自揆讀書非爲平生溫飽之計願言竭節用副上心  
忠孝之期臣無任瞻天望聖激切屏營之至謹奉表陳  
謝以聞

湖南提刑到任謝皇帝表



先生一生  
冊表

帝庭敷命。昭闢四門。天牧播刑。誤頒一節。申以遙驅之  
旨。疇茲已試之庸。周隰載馳。漢條具布。伏念臣本無他  
技。惟有孤忠。兩朝特達之知。洊塵清要。十載行藏之跡。  
祇自悔尤。雲雷之義。方屯天地之心。已復當元日達聰  
之始。在皇華遣使之中。聖恩靡許於祝釐。臣職敢稽於  
行道。瞻益高而下耳。冀用譽於折肱。茲益恭遇皇帝陛  
下。道協重華。仁周四表。崇德廣業。合乾轉坤。翕之功。折  
獄致刑。得震動離明之用。遂令承乏。復忝司平。臣敢不  
祇若咨詢。對揚欽恤。陳時臬事。尚弘康乂之圖。受主嘉  
師。永迪明清之訓。

謝皇太后表

司平楚甸。命出嚴宸。告至周原。恩歸慈極。敢敷睿訓。仰  
謝徽音。伏念臣一介寒微。兩朝知遇。傾葵向闕。初無補  
於使令。啜菽杜門。祇自深於觀省。當元日會同之始。拜  
公朝杖拭之仁。言遣使臣。往陳臬事。華省遙頒於趣旨。  
叢祠竟秘於俞音。勉臣子之驅馳。見吏民而宣布。茲益  
恭遇壽和聖福。皇太后陛下。心超有極。道合無疆。長信  
怡愉。贊炎圖之昌運。大任肅穆。開蒼籙之隆平。宜擇攸  
司。俾敬爾獄。臣敢不丕承欽恤。誕布慈仁。乂我黎民。尚  
想無刑之治。于其王母。敢忘介福之元。

古勁若經



謝皇后牋

君子審官。道隆麗極。皇華遣使。命出治朝。德意具宣。忱辭告至。伏念臣疎庸一介。遭遇兩朝。早綴班行。嘗忝金科之屬。繼乘使傳。復塵繡指之行。曲成每戴於釐明。退食難逃於吏議。不圖元會復錫恩言。技拭起家。往陳時臬。驅馳在道。寅奉天威。泣企攸司。欽哉乃職。茲益伏遇皇后殿下。德侔坤地。位正家人。關雎之化。既行。用之天下。象魏之法。使布。正自王宮。爰取踐更。載叨詳讞。臣敢不靈承。欽恤。祇若平反。無刑以艾。黎民誕敷。聖化式敬。以長王國。永誦徽音。

日六沉摯  
蒼古

皇太子生日賀皇帝表

大夏長。羸坤二爻之紀。季千秋似續。震一索之揆。初瑞彩綠車。歡顏丹宸。恭惟皇帝陛下。德流芑水。業茂蘿圖。壽富多男。積善必有餘慶。本支百世。命吉在厥。初生記甲觀之瑞分。占乙禡之祚遠。臣縻身軫墊。戴目心星。誦億子之宜君。首歌周雅。祝萬年之為父。更續唐詩。

花攢上林  
雨露新洗

天孫織就  
典切絕倫

賀皇太后表

福于王母。際南面之昌期。天以神孫。娛東朝之永日。晝堂瑞節。長樂歡聲。恭惟壽和聖福。皇太后性蘊冲和。仁培靜壽。思齊所以聖也。以御于邦。螽斯宜爾。孫今克開。



厥後皇皇穆穆。繼繼承承。臣迹滯騏原心。馳鳳闕。本支  
百世播絲。颺之聲。詩怡愉。萬年衍含飴之福慶。

賀皇后牋

坤后廣生。式協二爻之月。震男揆度。載逢一索之期。慶  
衍蘿圖。喜克椒掖。恭惟皇后。殿下道柔配地。德厚承天。  
以御于家。爲今京室之婦。則樂有子。如古周南之風。百  
世本支。萬年福祿。臣迹縻牡。轡心賀燕謀。占斯于之詩。  
已符吉夢。美思齊之德。益嗣徽音。

皇子進封左衛上將軍嘉國公賀皇帝表

乾父垂仁。茂積蘿圖之慶。震男鍾美。肇基茅土之邦。百

世可知。四方來賀。洪惟昭代。爰立親親。粵有舊章。禮優  
貴貴。昉祥符之七載。侈慶國之初封。綺仗分班。琢珪䟽  
寵庸表。人倫之厚。適觀王室之疆。式于今休。監于成憲。  
恭惟皇帝陛下。福培周厚。和緝堯雍。寶曆無疆。方萬年  
而受祜。金枝有煒。期億子以宜君。錫以嘉名。渙其大號。  
地營東井。詔爵五之。最穹天拱。北辰炳心。三之相照。克  
昌厥後。長發其祥。臣有蹇牡。駢阻隨虎。拜祉歌子。施遙  
陳皇矣之詩。道盡君嚴。願贊家人之易。

賀太后表

東朝保艾。方隆堯母之仁。西國分茅。式篤文孫之慶。兩



宮喜色萬宇歡聲恭惟壽和聖福皇太后陛下德厚慈元神怡長樂尊之至也上承視膳之勤宜爾繩兮下適含飴之趣瑶池日永玉葉春濃臣遠被繡衣踰瞻綵仗于其王母知介壽之來崇佑我後人願丕圖之有衍

賀皇后牋

坤稱乎母儼家服於椒塗震索而男赫龍光於茅土長秋喜色方夏歡聲恭惟皇后殿下含弘承天博厚配地祥鍾長發熾商後於有娥音繼思齊培文昭於太姒圭瑒焜煌於綺仗芾朱輝映於褱衣臣遠驟華原踰瞻藻殿想宜君之穆穆茂對王太休侈子之繩繩載歸后美

皇女進封同壽公主賀皇帝表

乾見大人道夙隆於乾體巽爲長女命爰寵於巽申喜溢宮庭歡騰海宇竊惟興君之際必有積善之餘播在正風則曰王姬之美陳于小雅是爲女子之祥無非歌福祿之同於以表國家之盛恭惟皇帝陛下和順而理溫柔以容苞體深仁旣茂絲瓜之瓞岡陵厚積復培穠李之華始封爰遴於嘉名遐祉永齊於聖壽臣跡縻使事身隔賀班親愛如家遙贊人倫之厚肅雍廸教適觀王道之成

賀皇太后表



文山全集 卷四  
周家福祿積由任姒之仁。堯母聖神親覩娥英之慶。宮闈盛典。海宇歡聲。恭惟壽和聖福。皇太后陛下。南極景光。東朝綦貴。有功寶祚。旣開聖子之傳。流澤銀潢。爰毓天孫之瑞。贊初封於沁水。同上壽於瑤池。臣遠玷皇華。踰瞻長樂。怡愉太后。諒承婉婉之娛。雍肅王姬。益表儉慈之教。

賀皇后牋

坤萬物之資。生實蕃慶。積巽一索之謂長。昉對命申喜氣。宮闈歡聲。海宇恭惟。皇后殿下。關雎孝敬。芣苢和平。灼灼宜家。夙範華桃之懿。雍雍成德。茂鍾穠李之英。賁然錫沁水之封。展也同長秋之壽。臣遠縻苞杞。遙睇塗椒。風以周南。仰化原之洵美。觀于堯女。願母道之浚明。知贛州到任謝皇帝表

對大廷如  
訴膝下

九重選牧。錫類天寬。千里承流。奉親地近。昉共侯度。丕戴王休。伏念臣某。才本空疎。分安孤苦。身逢盛代。夙自厲於丹心。家有重親。晚相依於白髮。頃叨漢傳。徃卽楚封。何敬非刑。粗殫審克。不遑將母。私切懷歸。嘗懇懇以陳情。冀高高之欲從。邇蒙異渥。特畀近麾。繼盼旨以趣征。已鞠躬而祇上。祿及一門之微賤。恩同大造之生成。茲蓋伏遇皇帝陛下。以堯舜之資。行曾閔之道。嗣寧王



之大歷。悲我成功。奉太后之萬年。與天齊壽。遂使忝求  
芻之寄。亦獲共啜菽之歡。臣敢不老老及人。親親為政。  
由家達國。期興遜以興仁。以子移臣。寓為忠於為孝。

謝皇后表

東朝鴻慶。介壽無疆。南國虎符。便親有命。荷中宸之渙  
寵。望慈極以皈忱。伏念臣一介迂疎。兩朝遭遇。昔備殫  
於敷歷。無以逾人。頃間任於驅馳。不遑將母。惟內懷於  
烏哺。遂上徹於蟻忱。果分二水之麾。爰易三湘之節。惟  
壤地接故。可以供菽水之職。惟土風習故。可以盡芻牧  
之心。自省叨踰。若為報稱。茲蓋恭遇壽和聖福。皇太后

懇切承歡  
真以子移  
臣寓為忠  
於為孝

陛下。德光堯母。功配周姜。壽錫萬年。享怡愉之福。化流  
四海。推慈孝之仁。遂令下吏之僥榮。獲以邇封而就養。  
臣敢不祇承德意。誕布恩言。服膺錫類之詩。益崇美化。  
拜手牧民之訓。踰贊徽音。

謝皇后牋

慈極承天恩。深錫類。廉車易地。職重分符。布聖德之中  
和。便親闈之溫清。伏念臣起繇孤遠。積有迂疎。翫薩半  
生。於事君而何補。驅馳近歲。以將母而未能。屬為養以  
陳情。荷昇矜而從欲。三湘納節。二水授麾。回刺史之車。  
庶乎為子。捧郡守之檄。專以為親。僥冒實多。糜捐曷稱。



茲蓋恭遇皇后殿下道隆坤厚。德配乾仁。大雅恩齊。媚周姜而穆穆。長秋備禮。奉漢母以愉愉。遂令踈遠之微臣。亦效旨甘於便壘。臣敢不恪恭侯度。茂對王休。崇關睢卷耳之風。廸惟懿則。篤南陔白華之行。施及遐萌。

壽崇節本州賀皇帝表

天子有親。備四海九州之奉。封人祝聖。同萬年億載之期。凡屬照臨。舉同呼舞。恭惟皇帝陛下。剛建中正。緝熙光明。燭六合而耀八紘。功參天地。躋三皇而軼五帝。道御家邦。紹巍巍蕩蕩之勳。盡尊尊親親之養。怡愉誕節。光大前聞。臣獲布寬條。幸逢盛際。鸚鵡阻綴。莫旅賀於東朝。螻蟻傾忱。惟仰瞻於南極。

賀皇太后表

於萬斯年。慈宸有慶。誕彌厥月。祖佛同生。璇冕敬共。縉紳舞蹈。恭惟壽和聖福。皇太后陛下。道超太始。德厚重坤。關睢周南之風。夙陶美化。思齊文王之母。懋著徽音。袵衣初奏。於薰絃宮。珮畢朝於慈宸。親下袞龍之拜。載揚韶鳳之音。呼萬歲者三。歡騰朝野。等百世而上。福衍子孫。臣叨守魚符。莫陪鴛序。我百而爾九十。諒喜溢於舉觴。心一而臣三千。第神馳於拱極。

賀皇后牋



緒發官商  
應言成雅  
頌興

太。妣。之。嗣。太。任。星。重。慈。極。長。秋。之。朝。長。樂。天。介。壽。祺。流。  
慶。九。霄。比。隆。千。古。恭。惟。皇。后。殿。下。明。章。德。範。陶。冶。化。風。  
大。練。厚。繒。訓。四。方。之。節。儉。宵。衣。肝。食。侑。五。位。之。勤。勞。肖。  
似。徽。音。婉。愉。誕。序。厚。符。坤。地。吉。萃。家。人。臣。逃。守。遐。邦。忻。  
逢。華。旦。仰。瞻。帝。闕。莫。陪。振。鷺。之。班。下。與。邦。民。同。被。關。雎。  
之。化。

壽崇節兵馬鈐轄司賀皇帝表

天。子。盡。敬。事。親。丕。昭。瑞。節。臣。下。歸。美。報。上。同。祝。脩。齡。覆。  
載。兩。朝。頌。歌。四。洽。恭。惟。皇。帝。陛。下。克。勤。克。儉。無。怠。無。荒。  
堯。以。是。傳。道。莫。高。於。虞。舜。文。所。以。聖。德。益。顯。於。夫。任。有。  
開。麗。水。之。祥。適。際。瑤。池。之。會。臣。屬。縻。戎。鍵。阻。綴。班。聯。北。  
面。而。朝。恍。天。威。之。尺。五。南。山。之。壽。效。臣。子。之。呼。三。

賀皇太后表

金。闕。日。長。尊。處。宸。闈。之。極。玉。卮。春。滿。誕。膺。法。駕。之。朝。凡。  
在。式。圍。率。均。擊。壤。恭。惟。壽。和。聖。福。皇。太。后。陛。下。心。遊。恬。  
淡。德。著。慈。仁。隆。周。召。之。風。人。倫。既。正。養。黃。老。之。性。母。道。  
獨。尊。皇。穹。申。方。至。之。休。壽。命。衍。無。疆。之。美。臣。猥。分。郡。組。  
共。貳。戎。韜。迹。遠。觚。稜。帷。幄。踰。瞻。於。長。樂。枕。同。葵。藿。笙。璫。  
第。想。於。承。華。

賀皇后牋



坐於少廣。慶慈極之誕彌。朝於寢門。助聖人之教愛。宮  
庭溢喜。宇宙同和。恭惟皇后。殿下瑞應。倪天光昭。邇日  
正始。基化歌三。南采荷之詩。視膳問安。備六寢禱。禴之  
禮。協朱明之律呂。鏘綵仗之珮環。驩奉玉卮。禮同黼宸。  
臣濫紆州綬。通領兵符。聆舜樂之九成。遙瞻南面。效堯  
階之三祝。竊比華封。

全日乾會節本州賀皇帝表

一人天拱。適符龍御之亨。萬國雲從。共慶虹流之瑞。系  
運宗社。福被寰瀛。恭惟皇帝陛下。日睿日聰。乃文乃武。  
既育永紹寧人大寶之休。翠蹕早朝。娛太后萬年之  
壽。當嵩呼之華旦。繼夢月之佳辰。兩宮同時。千載盛事。  
臣猥叨分竹。彌切傾葵。奉玉卮之恭阻。綴班於北闕。通  
銀臺之奏。但申頌於西崑。

賀皇太后表

六龍御極。增光長發之詩。萬國同心。推本思齊之聖。驪  
騰宮壺。和塞堪輿。恭惟壽和聖福皇太后陛下。日希日  
夷。爰清爰靜。以天下養。備百祿之熾昌。與元氣游。葆六  
根之純粹。海內樂唐虞之化。宮中頌任姒之音。臣叨預  
承流。遙伸歸美。冬溫夏清。禮嚴東面之朝。日升月常。福  
等南山之祝。



賀皇后牋

黼辰端臨。交上華封之祝。椒塗內助。仰承京室之規。喜溢六宮。和薰八表。恭惟皇后殿下。靜專成性。徽懿秉姿。珥簪進庭。燎之箴。鷄鳴有度。弓韉奉高。禘之祀。燕翼發祥。際上帝生商之辰。懋塗山興夏之德。仰占七政。日月並明。俯鑒四方。岡陵齊壽。臣分符江右。化被周南。首贊乾亨。體天行之不息。更新坤載。協地道之無疆。

乾會節鈴司賀皇帝表

龍首庶物。覩天德之照臨。虎拜萬年。對玉休而蹈厲。堪輿協氣。海宇頌聲。恭惟皇帝陛下。神聖整齊。武文經緯。

句成播五  
岳意詞就

動三山

諸福畢至。一登再登。三登我武。維揚五伐。六伐七伐。虹渚載臨於盛旦。鳳音遙想於明庭。臣通領鈴符。恪共官次。葵傾觀闕。阻陪就日之班。花覆簪紳。諭謝需雲之宴。

賀皇太后表

天下傳歸於子。降寶冊之鴻名。聖人教愛。以親上玉卮之粍壽。非常之慶。嘉頌攸同。恭惟壽和聖福。皇太后陛下。冲澹頤神。儉慈孚化。輔佐先帝。夙殫卷耳之勤。愉佚東朝。允著思齊之聖。昉前殿紀誕彌之旦。正羣方傾就望之忱。肆膺鳳輦之朝。親下龍綃之拜。臣屬縻戎鍵。阻綴班行。現五色之雲。知獻占於太史。舞兩階之羽。諒增



喜於慈顏

賀皇后牋

上萬歲之壽。咸頌聖人。形四方之風。實基王化。凡居持  
載。罔不驩呼。恭惟皇后。殿下生稟。靜柔安行。雍肅躬河  
洲。采苻之絜。列聖顧歆。翼寢門視膳之恭。慈顏和懌。合  
坤其順。遡日而明。欣聆嵩嶽之呼。並受華封之祝。臣俯  
共武服。仰贊壽觴。星之遠天。之高陞。莫瞻於九級。漢之  
廣江之永。詩但誦於二南。

用能經語  
莫測其化

皇子賜名本州賀皇帝表

家有嚴君。托中興之昌。歷天以聖子。作大國之宗。藩喜

溢宮闈。慶開宗社。恭惟皇帝陛下。懋昭聖德。厚正人倫。  
保天命以宜君。四方無侮。貽孫謀而翼子。百世可知。爰  
錫嘉名。載敷大號。敬哉有土。肇基二水之邦。格于皇天。  
式應三星之曜。俾耆而艾。長發其祥。臣縻跡侯方。傾心  
魏闕。監玉成憲。願垂謨烈之休。啓我後人。益壯本支之  
盛。

賀皇太后表

東朝介福。式彰母道之尊。南國分封。庸迪孫謀之吉。兩  
宮交慶。百世彌昌。恭惟壽和聖福。皇太后陛下。長樂怡  
愉。大庭游衍。養以天下。日永瑤池。正于家人。春生玉葉。



贊。苴。茅。於。浯。水。壯。縣。阡。於。宗。藩。臣。逃。在。侯。方。阻。瞻。宸。伏。  
思。齊。所。以。聖。遙。頌。徽。音。皇。矣。莫。若。周。益。隆。世。德。具。深。前。  
東。賀。皇。后。牋  
母。資。坤。德。之。生。椒。塗。襲。慶。男。正。家。人。之。吉。茅。土。分。封。宗。  
社。延。洪。宮。闈。閭。懌。恭。惟。皇。后。殿。下。承。天。光。大。法。地。靜。專。  
成。美。化。於。周。南。言。能。逮。下。嗣。徽。音。於。京。室。于。以。御。家。屬。  
聖。子。之。勝。衣。贊。嚴。君。之。錫。爵。臣。遠。縻。外。服。阻。造。內。班。正。  
風。俗。以。厚。倫。永。歌。后。德。輔。皇。王。之。維。辟。丕。俟。孫。謀。

皇子賜名鈴司賀皇帝表

天。佑。我。宗。篤。生。聖。嗣。國。有。鉅。典。肇。建。宗。藩。社。稷。靈。長。神。  
人。孚。洽。恭。惟。皇。帝。陛。下。禮。行。貴。貴。愛。立。親。親。撫。寶。曆。之。  
昌。期。萬。年。福。祿。演。銀。潢。之。慶。澤。百。世。本。支。爰。重。燕。謀。載。  
頒。鴻。號。于。疆。于。理。地。營。浯。水。之。邦。有。翼。有。馮。星。拱。周。虞。  
之。衛。克。開。厥。後。俾。熾。而。昌。臣。遠。繫。戎。韜。愉。瞻。文。石。施。于。  
帝。祉。德。已。動。於。監。觀。保。我。後。生。命。更。歌。於。壽。考。

賀皇太后表

堯。母。怡。愉。介。于。景。福。湯。孫。岐。嶷。錫。以。嘉。名。慶。衍。宗。祊。歡。  
隆。慈。極。恭。惟。壽。和。聖。福。皇。太。后。陛。下。爰。清。爰。靜。日。希。日。  
夷。佐。先。帝。之。中。典。鷄。鳴。有。度。膺。嗣。王。之。孝。養。燕。翼。成。謀。  
爰。鍾。受。於。綠。車。乃。分。符。於。赤。社。臣。恪。恭。武。服。阻。造。王。庭。

仰揚天地  
之思



以御于家。喻贊思齊之德。克開厥後。佇成皇武之功。

賀皇后牋

坤稱乎母。作德配天。震索而男。建邦有土。慶成宗社。喜溢宮庭。恭惟皇后。殿下。芣苢和平。關雎孝敬。嗣母徽於京室。在廟在宮。明子道於家人。正內正外。歡動勝衣之拜。光昭燾社之封。臣共武有嚴。稱班云逖。風以周南之化。喻贊螽斯。烝哉豐水之謀。適觀燕翼。

皇帝登寶位本州賀皇帝表

天作之君。表冠倫之大聖。父傳於子。昭立嫡之至公。曆數維新。神人胥慶。恭惟皇帝陛下。以周元子。爲舜重華。

大德生知。聰明以臨。齊莊以敬。一人有慶。進退可度。容止可觀。積累厚而孫謀深。謳歌同而神器定。無爲而治。有道之長。臣叨領虎符。喻瞻龍御。建皇極而王天下。幸際昌期。開明堂而朝羣臣。聳觀初政。

賀太皇太后表

肇聖德之龍飛。運開昌曆。垂孫謀之燕翼。功出慈宸。九廟尊安。八紘抃蹈。恭惟壽和聖福。太皇太后陛下。道光任姒。行邁塗莘。範肅東朝。性適合飴之樂。規重南面。養親視膳之榮。光昭嫡統之傳。丕衍皇家之慶。臣叨紆守。綬阻造賀班。頌皇帝之萬年。永言齊壽。佑寧人之大歷。



尚克圖功。

賀皇太后表

震出麗天。重明繼序。坤稱正位。一統蒙休。基祚斯皇。幅員胥慶。恭惟皇太后陛下。輔佐先帝。憂勤王家。思媚周姜。履肅雍於京室。訓貽禹子。服勤勞於塗山。瑞昭南面之符。光疊東朝之矩。臣屬縻侯。服隄企慈。惟嫡統無疆。已慶大橫之兆。嗣徽有秩。尚稽小愆之謀。

皇帝登寶位鈴司賀皇帝表

乘時御極。宣日月之重光。居嫡宅尊。大春秋之一統。幅員愛戴。宗社安強。恭惟皇帝陛下。仁孝生知。聰明時乂。踐寧王之丕祚。大歷維新。奉文母之徽音。皇天有慶。宜首正飛龍之御。以上承翼燕之貽。無疆維休。有相之道。臣濫巾戎轄。阻造朝班。五百歲而生。幸親見聖。萬億年其永不替。惟王。

自負高期  
許大

賀太皇太后表

兆協大橫。運在當命之聖。謀貽小愆。功歸太上之慈。嫡統延洪。皇圖鞏固。恭惟壽和聖福。太皇太后陛下。躬基美化。教闡徽音。彤管光華。配豐功於祖烈。練衣朴素。示懿訓於孫謀。聿新歷服之傳。式副簾帷之託。臣司戎共貳。望闕呼三。庶民近天子光。忻逢昌曆。太極為元氣母。



永迪初基

賀皇太后表

震主宅尊光紹寧王之命。坤元居正。適彰太姒之音。一統親傳。萬邦胥慶。恭惟皇太后陛下。功侔持載。德備含弘。風化二南。衍傳家之忠厚。本支百世。肇繼序之聖明。大春秋正嫡之書。應日月重光之運。臣屬兼鈐。綏阻造軒帷在天。利見大人。已孚文命。介福于其王母。長詠思齊。

學必本經

謝皇帝登極赦文表

日月重離。開國家之休運。雷雨作解。溥天地之至仁。萬邦咸休。一人有慶。恭惟皇帝陛下。堯文光宅。舜德出寧。神聖為君。丕受皇天之命。春秋立嫡。聿昭正統之宗。爰肆青於端門。示湛恩於熙代。臣猥分銅虎。踰企金雞。大人繼照四方。聳觀初政。皇極敷錫。五福第奉。寬書。

太皇太后加尊號本州賀皇帝表

御丕圖於南面。順應天人。崇徽冊於東朝。重增宗社。億年縟典。萬國懽心。恭惟皇帝陛下。皇極之宗。人倫之至。性同符於堯舜。達孝升聞。訓一本於姜任。徽音有秩。紹寧王之明命。彰祖后之尊稱。臣分牧有嚴。承休胥抃。介福于王母。難名太上之功。肖德以神孫。願共無疆之號。



賀太皇太后表

鴻名揚厲。用彰重慶之尊。龍宸繼承。懋舉盡倫之制。明  
廷孚號。寰宇傾心。恭惟壽和聖福。太皇太后陛下。德備  
儉慈。教脩愛敬。佐我烈祖。成天保之憂勤。訓于神孫。示  
思齊之雍肅。粹美翟禕之服。增華琬琰之章。臣屬守銅  
符。欣傳寶冊。同御延和之殿。誕頌前猷。尊居慈福之宮。  
永言至養。

賀皇太后表

統繼堯天。重華協德。位隆文母。太姒嗣音。寰宇休明。內  
庭肅穆。恭惟皇太后陛下。行高配地。功大補天。輔先帝  
以重光。憂勤夙至。肇嗣王之丕緒。福祿方來。奉寶冊於  
重闈。壽皇圖於覆載。臣屬縻郡。紱阻遙廷。紳咸曰。太皇  
已慶元和之壽。願言帝母。永肩長樂之名。

太皇太后加尊號鈐司賀皇帝表

皇圖嗣慶。著母道於重坤。鉅冊稱尊。告王庭而大渙。宮  
闈增重。宗社蒙休。恭惟皇帝陛下。德爲聖人。孝治天下。  
侍宣仁之聽斷。元祐同符。稟慈福之起居。紹熙儷美。播  
無爲之懿號。隆太上之徽音。臣猥介戎鈐。聳觀國典。思  
齊文母。旣彰有德之雍。雍於赫湯。孫願共厥聲之穆。穆。  
賀太皇太后表



離日方升。光傳國寶。坤元重慶。肇建鴻名。福萃三宮。歡騰八表。恭惟壽和聖福。太皇太后陛下。佐佑皇祖。怡愉東朝。德配姜任。植丕基於蒼籙。功高馬鄧。扶洪業於炎圖。宜效美於思齊。大歸尊於長樂。臣偶叨戎轄。阻綴朝班。丕哉烈丕哉謨。共僉嗣王之政。得其名。得其壽。載揚太上之休。

對仗精確

### 賀皇太后表

晉大號於慈闈。位隆長樂。紹丕基於萬世。慶本慈元。命肅治朝。禮行廣內。恭惟皇太后陛下。願神冲澹。履行靜專。美紹思齊。宜毓文王之聖訓。垂訪落。實開成后之謀。贊重慶於御簾。推有尊於臨制。臣猥分戎轄。踰聽恩綸。望少廣之宸居。莫班獸舞。頌長秋之壽曆。同播鴻名。

### 皇太后加尊號本州賀皇帝表

嗣王受此丕基。光膺明命。文母介以繁祉。祇奉嘉名。典冊流輝。幅員有慶。恭惟皇帝陛下。一人出震。五位乘乾。玉質金相。嗣延洪之大曆。寶禕羽翟。奉雍肅之徽音。光進瑤編。重增鼎祚。臣叨分虎壘。踰望龍墀。保佑恩深。已際大明之運。怡愉樂永。更揚齊壽之休。

### 賀太皇太后表

毓正神孫。方布應門之詔。位尊祖后。復隆京室之稱。重



慶萬年不休四海恭惟壽和聖福太皇太后陛下性超  
太上德應黃中元祐大功法宣仁之鞠育紹熙新政燕  
慈福之起居宜旌坤極之嘉名式趾太宸之芳躅臣屬  
分侯服欽誦王綸天子必有所尊已光載籍聖德無加  
於孝長戴兩宮

賀皇太后表

坤稱正位訓迪嗣王渙號揚庭尊歸父母簾帷介福社  
稷垂榮恭惟皇太后陛下德著憂勤躬行慈儉虞嬪觀  
於瀉泃密贊聖謨后稷生於姜嫄美鍾神胄晉長信專  
尊之號嗣思齊秩秩之音臣忝守藩維阻趨軒陛得其  
名得其壽幸同萬國之歡宜爾子宜爾孫永頌兩宮之  
慶

皇太后加尊號鈐司賀皇帝表

重明以繼大人瑤圖垂慶介福而于王母王冊有光瑞  
溢簾帷重關宗祏恭惟皇帝陛下敬仁成性曆數在躬  
惟后綏猷蹈堯舜之孝弟因親教愛奉任嬖之肅雍宜  
申慈極之尊式表聖倫之至臣叨兼兵轄隄企陛簾贊  
長信之徽稱已光漢制頌塗山之丕訓益大禹功

賀大皇太后表

嗣皇奉尊居長信之名祖后宣猷夙迪思齊之訓萬



周斐紛披

年集慶。表蒙休。恭惟壽和聖福。太皇太后陛下德邁維莘。道高于內。金車玉路。備三世之典。章寶翟珍。禕示六宮之。法度美慈宸之。疊矩揚大號以同符。臣兼領戎鈐。竦聆。綍德壽早朝之典。已慶淳熙延和同御之功。益歌元祐。

賀皇太后表

文母克昌。厥後光紹皇圖。大德必得其名。慶隆寶冊。四方來賀。志惟熙。恭惟皇太后陛下。陰教齊家。慈元正位。推為。化邁周。召之二南。著在徽音。紹姜任之大雅。宜膺。增重坤稱。臣適貳鞞鈐。聳聆綍。綍踐其位。行其禮。莫重尊親。求厥寧觀。厥成邁。追來孝。

典雅

太行皇帝升遐本州慰皇帝表

堯父宅尊。春秋鼎盛。祀天告墜。遠邇震驚。降割非常。銜哀罔極。恭以。大行皇帝。神聖文武。濬哲溫恭。萬千歲怡愉。恪盡東朝之養。十一年寅。畏逼。祗上帝之威。期壽考之惟休。俄憂勤而積疾。詎圖大漸。驟至遐征。望欲斷於遺弓。命忍傳於憑几。恭惟皇帝陛下。有仁有孝。盡制盡倫。克念先猷。根聖人之至性。誕承慈訓。服天下之通喪。願少抑於孝思。以永綏於神器。臣屬縻守。紱哀捧告書。莫伸。奔問之恭。徒切攀號之痛。



慰太皇太后表

雞鳴問寢方慈極之深居龍去遺弓忽皇輿之新陟宮闈震悼海宇摧傷恭惟壽和聖福太皇太后陛下德備周姜道光堯母東朝垂訓曾不改於儉慈南面積憂遽忍違於溫清驟罹國疾諒切聖懷少寬憑几之思式副御簾之託

慰皇太后表

皇靈新陟變撫遺弓儷極永懷悲興捐玦六宮哀痛九宇摧傷恭惟皇太后陛下坤道宅中家人位正脫簪而諫期共濟於中興綴衣于庭忍遽聞于末命雖委裘之悲至切而定鼎之託方新願制盡傷永綴敷遺

大行皇帝升遐鈐司慰皇帝表

王宜日中方慶垂衣之治父有天下遠傳憑几之言宗社憫凶幅員哀痛共以太行皇帝王道正直帝德簡寬奉長樂之清溫丕昭仁孝聽邇英之勸誦適紹文明方嗣服於萬年胡委裘於一旦烏號罔極龍御何追恭惟皇帝陛下聖德升聞孝思永慕重華協帝方遏密於八音冢宰總官將諒陰於三祀願少紓於聖抱以弘濟於皇圖臣逖領戎昭哀傳國疚阻伸奔問惟重摧傷

慰太皇太后表

云云



嚴宸居正痛宴駕之奄聞慈極宅尊悵早朝之遽隔哀  
傳海宇悲結簾帷恭惟壽和聖福太皇太后陛下德厚  
承天恩深與子夙行恭儉聖方頌於思齊晚享怡愉變  
忍聞於顧命諒聖情之結戀鑒輿志之攀號願抑慈懷  
永謀孫翼

慰皇太后表

沉古養變興梧野九土烏號悲結椒塗六宮縞哭宅憂罔極降  
割何深臣恭惟皇太后陛下志紹徽音躬行美化冬溫  
夏清佐孝養於東朝海潤星暉演慶源於中壺驟撫鼎  
湖之戚奚堪輿極之哀願抑慈懷聿扶新政云云

百日慰皇帝表

真忱浮紙烏號浸遠九土同悲駒隙易流十旬如隔撫時哀疚易  
月徬徨恭惟皇帝陛下曆數有歸美壻如對雖擗踊哭  
泣曷勝父子之情而朝覲謳歌當慰臣民之望願節宅  
憂之制益成繼志之圖臣承乏偏城阻趨嚴陛云云

慰太皇太后表

烏號銜恤悵再隔於月遊龍寢闕朝恍十周於日淡流  
光何速哀思欲摧恭惟壽和聖福太皇太后陛下宮壺  
宅尊簾帷託重雖道揚王命不勝慈極之懷然燕翼孫  
謀當念皇圖之本願體臣民之戴少寬朝夕之思云云



慰皇太后表

雲升梧野頓隔千秋日短。奠階駕言十浹。委裘禍迫。捐  
玦哀深。恭惟皇太后陛下。教盡人倫。慶隆母道。雖易月  
以日難窮。伉儷之悲。然薦子於天。正重。攜持之託。願俯  
從於中制。用式副於群情。云云

期年慰皇帝表

追玉几之遺言。制嚴易月。服練冠於初祭。哀重感時。霜  
露深悲。乾坤罔極。恭惟皇帝陛下。孝治天下。統承先王。  
雖見堯於墻克篤。終身之慕。然續禹之服。所期大器之  
安。願從禮制之宜。少副輿情之望。臣屬縻藩屏。阻造闕

庭。

云云

慰太皇太后表

訓予命汝易月。有嚴練而慨然。周星何短。哀承遺制。痛  
結慈衷。恭惟壽和聖福。太皇太后陛下。德紹宣仁。功侔  
明肅。天經地義。扶嫡統於方新。日邁月征。悵宸旒之愈  
遠。願勉從於衆志。姑少抑於至情。云云

慰皇太后表

悲捐玉玦。痛極呼天。祭服練冠。制嚴易月。乘雲浸遠。濡  
露何堪。恭惟皇太后陛下。德佐先猷。慶鍾神胄。雖徬徨  
虞汭。望欲斷於蒼梧。然婉孌周姜。任方隆於京室。願少



寬於哀抱用不贊於鴻圖

云云

再期慰皇帝表

龍湖未遠可傷易月之喪駒隙幾何已舉再期之制羹  
墻如在霜露孔哀恭惟皇帝陛下道盡人倫位隆世嫡  
雖終身慕父難窮至性之悲然億載怡親方壘慈顏之  
養願重承休之託少寬追遠之懷臣隄綴蕃宣阻班軒  
陛

云云

慰太皇太后表

終天巨釁降割一朝易月通喪寓言再歲仙遊永遠慈  
抱難居恭惟壽和聖福太皇太后陛下功在先朝志勤  
內治雖變生憑几悵闕問於雞鳴然寄重垂簾方稽謀  
於燕翼願抑無疆之恤益昌有大之休

慰皇太后表

望斷乘雲悵龍驂之浸邈制嚴易月恍鳳曆之再周凡  
屬禱封式同追慕恭惟皇太后陛下承天功大與子仁  
深雖悼舜陟方不替蒼梧之望然開周嗣曆方隆豐芑  
之休願少抑於哀悰用永綏於神器

禫祭慰皇帝表

龍御何之方切綴衣之痛駒陰未遠已驚釋禫之期易  
月從宜感時增疚恭惟皇帝陛下恭默思道愛敬事親



天作之君當周艱而卽命日致其孝將舜慕以終身願  
寬追遠之至情不慰蒼生之顛望臣濫承郡級阻綴朝  
班云云

慰太皇太后表

衮衣萬歲痛隔終天禫服一朝權從易月感時憂戀率  
土盡傷恭惟壽和聖福太皇太后陛下德著寶禕功藏  
金匱撫鼎湖之龍去子保何追懷豐水之燕貽孫將有  
衍願副普天之望式紆慈極之悲云云

慰皇太后表

宮車輟駕浸遠翠華國典行權恍終素蹕託言釋禫胡  
忍免喪恭惟皇太后陛下夙著脫簪驟懼捐玦雖梧雲  
不返永爲禕翟之傷然芑水方來共俟簾帷之助願釋  
居諸之感俯從遐邇之情云云

賀皇帝聽政表

思皇烈考誕受寶龜於穆嗣王甫攷治象慈簾保佑熙  
政闡明恭惟皇帝陛下德實天生動爲世則入於翼室  
稱元子以宅宗出自應門會諸侯而作誥欽奉怡愉之  
訓爰親兢業之幾旣兩宮垂拱以無爲宜四海謳歌而  
來覲臣屬縻郡國踰戀闕庭御延和殿之正朝願光祖  
烈奉紫雲樓之盟誓第守藩條



賀太皇太后同聽政表

綏壽而右。文母高拱。慈宸肖德。而有神孫共臨。幾政徽音。洋溢光訓。昭宣恭惟壽和聖福。太皇太后陛下。功邁塗山。德高媯汭。施於帝社。已深慶錫之源。保我後王。益衍壽寧之福。章憲垂簾於天聖。宣仁稱制於延和。紹昔大猷。爲今懿範。臣屬縻守。綏欣聽俞。綸太易。太始太初。莫測無爲之化。四門四聰。四目共觀。有道之朝。

天瑞節本州賀皇帝表

龍德御天。重華於帝。虹書流渚。長發其祥。萬姓驩呼。三辰擁佑。恭惟皇帝陛下。聖德克肖。天性自成。光北斗之樞。篤生黃帝。美南山之壽誕。命文王節。屆千秋。時維九月。臣縻身侯度。拜手王休。三千臣同心。永言華壽。五百年生。聖敬贊河清。

賀太皇太后表

聖王垂拱。萬年方開。燕翼太皇。怡愉億載。親見虹流。海宇春輝。宮闈日永。恭惟壽和聖福。太皇太后陛下。身基美化。德著慈元。正位而定家人。功高配祖。介福而來。王母慶積。貽孫律協。素商節書。金籙臣濫膺藩屏。阻賀簾帷。假樂命之慶。春秋之昴。盛思齊聖也。同日月之離明。

賀皇太后表

每讀一首  
使人神王  
心開



龍德方升。祥書載震。燕禩有慶。福萃重坤。旗翼光華。幅員熙洽。恭惟皇太后陛下。道侔博厚。德備仁明。虞汭來嬪。女於舜帝。周京作配。生此武王。方觀日上。於扶桑。隨紀虹流於華渚。臣濫叨一障。踰企千班。大域中玉。旣祝華封之壽。爲天下母。願齊西極之年。

天瑞節鈐司賀皇帝表

謳歌與子。方開捧日之祥。福祿宜王。初紀流虹之慶。光生宗社。歡溢堪輿。恭惟皇帝陛下。天德生知。乾元首出。載震載夙。膺天地之珍符。繼聖繼明。正春秋之嫡統。當瑤光之瑞節。際金題之昌辰。臣分虎有嚴。林鰲欲舞。呼玉卮之萬歲。踰贊王休。進金鑑之千秋。嗣殫臣職。

賀太皇太后表

萬壽齊天。思齊以聖。千秋紀日。長發其祥。廣宇休揚。重闈慶洽。恭惟壽和聖福。太皇太后陛下。以女堯舜。爲今姒任。有典有則。之貽輔於皇祖。立政立事。之準訓乃文孫。當月屆於素商。喜節書於華渚。臣猥塵戎轄。阻賀宸闈。請祝聖人。旣效堯封之職。亦右文母。載賡周頌之章。

賀皇太后表

辛歲重光。昔符夢日。乾元首出。今紀流虹。歡溢華封。慶歸長信。恭惟皇太后陛下。徽音大雅。美化二南。德配重

用壁經語  
雜對



華觀嬪於汭。祥開長發。立子生商。扶暘谷之初升。紀高  
謀之載誕。臣領鈐偏郡。銜表明廷。五百歲河清。既覩聖  
人之出。三千年桃實。願同王母之尊。

太行皇帝謚號本州慰皇帝表

祀以配天。致聖人之達。孝廟可觀。德彰烈考。之隆名典。  
冊千年宗祧。九鼎恭以端文明。武景孝皇帝。光宅天下。  
簡在帝心。敬直義方。煥經天而緯地。事名物應。昭脩政  
以攘夷。大德大功。立親立愛。自生民而未有。熙鴻號於  
無窮。恭惟皇帝陛下。離象重光。乾龍首出。聖盡倫王。盡  
制始於家邦。宗有德祖。有功行其典禮。式崇徽譽。昭對  
皇靈。臣叨領虎符。欽傳駿命。告神明。頌盛德。已觀國典  
之光。薦郊廟。揚洪休。尚述侯邦之職。

慰太皇太后表

居長樂之宮。興懷鶴駕。瞻顧成之廟。肇錫鴻名。大冊垂  
榮。慈衷悼往。恭惟壽和聖福。太皇太后陛下。以天下養  
與元氣。遊明肅臨朝。親立仁皇之策。宣仁在御。永懷神  
考之思。不對皇靈。昭升熙號。臣屬縻侯。紱阻慰震簾。  
云云

慰皇太后表

九疑陟遠。莫返皇靈。七廟升宗。聿彰世德。洪名有赫。哀  
抱彌深。恭惟皇太后陛下。位正家人。道隆坤母。躬葛覃。



之節儉厥配有光秉清廟之肅雍於嬪增感於惟大冊  
肆對皇穹。臣跡繫分符。神馳望闕。云云

大行皇帝謚號鈐司慰皇帝表

翼室宅宗。考先王之制禮。觚壇告帝。爲烈考以易名。大  
冊適彰。皇靈昭假。共以端文明武。景孝皇帝。體元居正。  
特盈守成。端獨化之原。文經天地。明萬幾之理。武定邦  
家。景行有容。孝思無極。上可以配祖宗之德。下可以垂  
子孫之休。恭惟皇帝陛下。弼我不基。鑿於成憲。寧王克  
綏。受命篤棊。忱辭嚴父。莫大配天。荅揚光訓。奉徽稱於  
宗祀。昭緝典於明時。臣通領戎昭。竦承帝號。堯萬世如  
見。莫名巍蕩之功。周諸侯來朝。第贊肅雍之相。

慰太皇太后表

盛德之祀。百世肇建。嘉名太皇。之壽萬年。興懷緝典。慈  
宸惻楚。穹覆鑒觀。恭惟壽和聖福。太皇太后陛下。懿範  
兩朝。仁恩四海。爲元氣母。克篤貽孫。育天下君。忍聞祔  
禩。哀時大號。對越皇靈。臣身貳戎。鈐心懷國典。云云

慰皇太后表

大德得名。尊歸昭考。嗣王謀廟。上奉徽音。宗禩休揚。宮  
闈愴極。恭惟皇太后陛下。儉昭練服。中協黃裳。嗣任德  
之肅雍。思齊以聖名。堯功之巍蕩。煥有其章。聿深羽翟。



之懷於赫。觚壇之告。臣猥兼戎轄。踰贊邦彝。云云

冬至節本州慰皇帝表

一陽來復。感駒隙之易流。三祀諒陰。悵烏號之浸邈。愴深履韞。悲著羹墻。恭惟皇帝陛下。清明在躬。恭默思道。水有源木。有本方嚴。祭祖之時。霜旣降。露旣濡。不替思親之念。少抑居諸之慟。仰膺付託之隆。臣逖守遐邦。阻班嚴陛。誦先王省方之戒。願謹起居。秉諸侯謀廟之忠。聿懷奔走。

慰太皇太后表 冬至

暖律吹噓。感一陽之初復。慈簾擁佑。訓三祀之通喪。痛在宮闈。情均海宇。恭惟壽和聖福。太皇太后陛下。徽音慈福。懿範宣仁。履韞迎長天。休方至冕。旒問寢子。保奚追。願少抑於慈懷。以永綏於孫翼。臣屬縻侯服。踰企御闈。云云

慰皇太后表 冬至

復陽在地。氣應黃鐘。坤德承天。悲深素蹕。六宮增疚。萬宇永懷。恭惟皇太后陛下。長信宅尊。思齊美繼。手扶宮日。坐占千歲之長目。斷臺雲尚想。九疑之遠。願紆哀於儷極。以永翼於皇圖。臣逖守江城。踰瞻禁闕。云云

啓殯慰皇帝表



三年諒陰不言悲深翼室七月同軌畢至告啓敢塗遠  
日戒嚴終天增慕恭惟皇帝陛下外勤謀廟內奉臨朝  
制爰舉於因山龍輜將駕情永懷於陟岵鳳紼奚追願  
寬劍舄之思益重基圖之託臣屬縻斗壘阻慰宸庭云云

慰太皇太后表

居長樂之漢宮永懷鶴駕上會稽之禹穴垂戒龍輜悲  
結慈闈痛均薄海恭惟壽和聖福太皇太后陛下憂勤  
德備擁佑功高百世可知首正貽孫之則七月而葬豈  
勝思子之懷願東望以節哀重外朝之同御臣身縻乘  
障跡阻趨班云云

慰皇太后表

龍湖言遠椒掖永懷鳳翼戒嚴敢塗載闢六宮雨泣萬  
宇雷哀恭惟皇太后陛下儷極勲高正家化洽撫軒皇  
之劍舄祔賁橋山奉舜帝之衣裳思藏梧野尚軫乾坤  
之記願紆朝夕之思臣身繫分符神馳攀紼云云

發引慰皇帝表

鸞車既駕陟岵哀深龍匣畢塗崇丘制舉新宮永闕翼  
室增傷恭惟皇帝陛下思道諒闇送終哀戚居喪讀葬  
禮不愆復土之期因山不起墳尤切望陵之感異少寬  
於孺慕以丕重於宗祧臣縻跡侯藩傾心宸陛云云



慰太皇太后表

日淪西極。悵鶴駕之長遊。天拱東朝。痛龍湖之永閔。重  
闡悲繫。九土慕思。恭惟太皇太后陛下。福備怡愉。功高  
擁佑。撫綴衣於翼室。億世貽孫。念加斧於畢塗。千秋望  
子。願抑思齊之感。益昌小恭之謀。臣叨領偏城。阻趨慈  
陛。云云

慰皇太后表

國謹重喪。龍棺就殯。禮衰大事。鸞掖興懷。海宇同哀。山  
陵告備。恭惟皇太后陛下。憂勤孔夙。哀感謹終。媯汭居  
諸。悵虞琴之已遠。會稽咫尺。望禹穴以奚追。願紆旣葬  
之悲。式相維新之治。臣承流有守。伸慰無從。云云

祔廟慰皇帝表

先帝之葬。衣冠載虞。神祐嗣王之奉。宗廟丕祔。皇靈昭  
穆。用休典章。備舉恭惟。皇帝陛下。以舜大孝。居商諒陰。  
如慕如疑。旣畢因山之禮。以享以祀。聿嚴升禩之恭。勉  
承翼翼之容。深抑榮榮之感。臣屬縻牧訓。阻奉駿奔。云云

慰太皇太后表

嗣王宅恤。奉先祏以升宗。聖母思齊。感皇靈而悼往。禮  
容有赫。祀事孔明。恭惟壽和聖福。太皇太后陛下。壽考  
維祺。仁慈爲寶。佑我烈祖。有典則以貽子孫。保子冲人。



脩宗廟以序昭穆。祔既行於永紹。哀少釋於慈元。臣叨  
綴蕃宣。阻班奔走。云云

### 慰皇太后表

地隔丹洲。畢舉九虞之祭。天臨清廟。昭升七世之宗。屢  
主思皇。椒闈若惕。恭惟皇太后陛下。性鍾慈儉。德備憂  
勤。嬪虞帝以日欽。陟方浸邈。對文王之於穆。率祀惟恭。  
願紓坤極之思。益行乾符之慶。臣屬縻民牧。莫效侯朝。  
云云

### 正旦慰皇帝表

王正書月。景命維新。靈德在天。孝思罔極。運開曆數。哀  
動几筵。恭惟皇帝陛下。思道奉先。與時更始。王受同瑁。  
祭不替於元辰。帝見羨墻禮益嚴於上日。願抑居諸之  
感。丕承擁佑之恩。臣屬守偏城。阻趨嚴陛。云云

### 慰太皇太后表

元旦

正月始和。律更太簇。昊天不弔。痛在思齊。曆數維新。宮  
闈孔惻。恭惟壽和聖福太皇太后陛下。爲元氣母。與太  
極游。孟春而戒道人。撫時其邁。上日而受文祖擁佑。方  
新願寬丕子之思。益重神孫之託。臣屬縻宣化。阻慰履  
端。云云

### 慰皇太后表

元旦



羲日更新治開泰象虞雲浸遠悲在乾元駒隙易流烏  
號何及恭惟皇太后陛下光輔先帝敬授人時元會衣  
冠尚想熙明之政月游劍鳥忍聞永紹之名願寬悼往  
之哀悼益撫履端之昌運臣屬縻一障阻慰三朝云云

改元賀皇帝表

春王會於三朝慶開景運皇天佑于一德治紀初元正  
朔肇新乾坤有造恭惟皇帝陛下春秋正始曆數在躬  
仰則定陵開三傳之丕祚近稽哲祖基七葉之昌期放  
鳳曆以改弦衍鴻圖而卜鼎臣親逢更化適綴承流揚  
偉蹟鋪閔休恪共侯度撫太平應昌歷謹授人時

賀太皇太后表

天玉一統爲元載放正朔太皇萬年齊壽同御邦家日  
月重明乾坤更始恭惟壽和聖福太皇太后陛下道符  
烈祖功擁神孫乾德太平訓實承於昭憲元祐盛際政  
共聽於宣仁游開更瑟之休實繫垂簾之盛臣叨承侯  
服丕奉慈宸基正始之風已新美化播思齊之頌永載  
徽音

賀皇太后表

春秋以一爲元曆開昌運關雎之化正始本在慈宸正  
朔更新國家胥慶恭惟皇太后陛下有娥長發大妣思



齊齊壽以奉太皇德。惟子肖受福而於王母。祐自天申。宜渙號以繫年。示同文而更始。臣猥乘一障。丕戴三宮。當昌歷應休期。已供侯服。綏眉壽介繁祉。益贊母徽。

曆日謝皇帝表

乘龍御以紀年。一元正始。詔虎城而頒朔。千里承休。敬授人時。對揚王命。恭惟皇帝陛下。明哲作則。曆數在躬。欽若昊天。熙春夏秋冬之績。建用皇極。協雨暘寒燠之疇。乃誕布於成書。以昭垂於新治。臣藩宣有恪。播告惟恭。錫厥庶民。順中星而平秩。祐於一德。歌化日之舒長。

謝太皇太后表

歲正孟陬。一元改紀。朝臨長樂。萬國頒正。春朔會同。神人和洽。恭惟壽和聖福太皇太后陛下。怡愉萬歲。擁佑一人。肖德而有神孫。光膺昌歷。受福而於王母。丕輯繁禧。載頒協律之書。式重垂簾之政。臣欽承鳳紀。誕布侯藩。聽嶰竹之歛誕。敷和氣獻蟠桃之頌。益贊壽眉。

謝皇太后表

鳳曆頒春。東朝介福。虎城告朔。北面承休。歲定四時。天佑一德。恭惟皇太后陛下。思齊肅穆。少廣怡愉。訓示塗山。曆開禹子。教行渭涘。紀協周王。春朔攸同。乾坤交泰。臣承流下障。奉令孟陬。協和萬邦。第贊定時之績。嚮用



五福益陳曰壽之休

疏

壽崇節本州進功德疏

內庭顧效  
民間老媪  
耶

九龍吐水當摩耶產佛之辰萬歲呼嵩上大母延年之  
請敬憑二氏仰贊千齡壽和聖福皇太后陛下恭願大  
安大榮至愉至佚慶雲五色現南極之祥光壽域八荒  
衍西池之長美

鈴司進功德疏

三寶曰慈南極衍太皇之福五兵不試西江陶聖化之  
風仗仙釋之殊因贊宮闈之不慶壽和聖福皇太后陛

下恭願位隆少廣美等崑丘仰大慈尊誕節正同於盛

旦得無量壽長生永協於先天

乾會節本州進功德疏

聖瑞虹流開半千之休運官聯虎拜瞻尺五之清光  
玉翠之祥氛哀緇黃之妙果皇帝陛下恭願駿聲克廣  
龍德方中地久天長壽命衍洪源之慶河清海晏皇圖  
鞏磐石之安

鈴司進功德疏

天臨寶位夙開繞電之符地領玉鈴載罄呼嵩之祝謹  
率兵戈之屬虔脩道梵之緣皇帝陛下恭願玉燭四時



金湯萬里。元龜大貝。梯航來川。岳之珍歸。馬放牛旗。益壯東南之運。

天瑞節本州進功德疏

飛龍在天。大橫有兆。流虹貫月。景命維新。演道梵之真銓。崇聖明之瑞節。皇帝陛下。恭願維天其右。如日之升。五百歲而生。已開昌歷。億萬年其永益。鞏皇圖。

鈐司進功德疏

為天下君祥。書帝武祝。聖人壽歡。動戎昭闡。二氏之真科。崇千秋之誕節。皇帝陛下。恭願泰元有相。長發申休。在辛歲日。重光方升。如日以乾。元正五位。多歷斯年。

大行皇帝升遐本州進功德疏

帝棄群臣。恐傳末命。教宗二氏。恭薦殊因。慨極烏號。戀深蟻慕。大行皇帝。伏願游神極樂。觀化太虛。十四聖之在天。皇靈陟降。億萬年之與子。丕祚綿洪。

鈐司進功德疏

出宮駕晚。縞素興哀。望闕臺孤。緇黃嚴薦。恭哀冥福。適相宸游。大行皇帝。伏願性悟真如。道超無極。成慶而垂萬世。聿齊九廟之靈。後天而彫三光。長作百神之主。

皇帝聖躬違和保安諸廟疏

天子萬壽。詎期無妄之災。臣人一心。共禱有神之相。惟



帝齡之悠久實神貺之扶持。名山大川尚鑒蘋蘩之意。普天率土不勝葵藿之私。

本州宮寺保安疏

皇極九五福合率土以傾心。帝壽千萬年籲慈尊而請命。皇帝陛下伏願寅畏享國清明在躬。王受命無疆惟休誕迎和氣天行健自強不息丕享脩齡。

鈐司宮寺保安僧疏

惟聖宅尊共祝一人之慶。以臣請命敬皈三寶之慈。皇帝陛下伏願歷數在躬神明其德。九五福曰壽丕享康寧億萬載齊天式臻永久。

道疏

率土傾心均願聖人之壽。籲天請命肅殫臣子之忱。同前

大行皇帝遺詔本州成服道疏

道揚末命忍聞晏駕之音。瞻仰昊天。上訴遺弓之勳。脩崇冥果攀慕遐征。大行皇帝伏願返於混元。光我烈祖洋洋而在上。俯察臣民刻刻以揚靈。永綏宗社。

僧疏

捧九天之遺誥。帝馭何追。皈三寶之真乘。臣心欲割。

鈐司成服道疏

昊穹降割。悵宸馭之上賓。率土興悲。望帝庭而哀籲。虔



資冥福。適相仙遊。大行皇帝。伏願靈德。昭回皇明。陟降衣冠。雖邈會烈祖。以在天宗。廟如存朝。百神而爲主。

僧疏

昊穹降割。慟玉仗之上賓。率土興哀。望金仙而仰。籲虔資冥福。適相仙遊。

本州成服滿散疏

制嚴易月。痛君父之通喪。望極乘雲。薦人天之勝果。露香跼蹐。釋經悲傷。大行皇帝。伏願堯性常存。舜明不隔。成慶而垂萬世。聿齊九廟之靈。後天而彫三光。長作百神之主。

鈐司成服滿散疏

捧易月之制。書萬邦哀痛。脩升遐之冥果。三寶證明。喪紀有嚴。孝思罔極。大行皇帝。伏願羹牆不遠。劍舄如生。帝鄉而乘白雲。真游冲漠。孫謀之注。豐水遺澤。深長。

大行皇帝本州追嚴道場疏

維新陟王。悵皇靈之日遠。演大乘法。資勝果於天游。悼痛孔深。薦言有俶。大行皇帝。伏願性超清淨。德邁圓通。生爲帝。沒爲神。豐功不泯。高配天厚。配地明德。無疆。

鈐司追嚴道場疏

皇靈冲舉。莫追汗漫之遊。淨業真如。式薦逍遙之果。終



天哀痛。率土慕思。大行皇帝。伏願陟降太虛。超升無極。  
儼橋山之劍舄。陟梧野之衣裳。云云

申省狀

辭勉新除秘書省正字狀

具位文天祥。照會。十月二十六日。伏準省劄。十月三日。  
三省同奉聖旨。文天祥除秘書省正字者。某猥以踈賤。  
叨被聖恩。望闕瞻天。莫知所措。伏念某自叨親擢。未歷  
外庸。以讀書學從政之方。以奉祠爲書考之日。方竊山  
林之暇。敢圖臺省之登。負乘非宜。循牆無任。伏望公朝。  
特賜敷奏。令某滿足宮觀兩考日。祇被新命。其於出處。





原件短缺

P40后缺



